



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

C40-4514

了翁上座語大底名百  
家書宣室記載華山  
我後笑培院直府中水  
為學者不敢許出喉內  
當山二世鐵牛機譯



B 64853

雲溪很亭擬禪師語錄卷之五

佛事

侍者智異編

母陳孺人大祥設供聚散古今同歸一局覲面相逢  
析骨析肉湘之南潭之北真不掩僞直不藏曲恭惟  
我母七十載合水和泥十五年長齋繡佛琅琅梵唄  
沁我肝脾歷歷婆心感人毛髮及乎臨去正念提持  
從大悲千手賜發個話端於金剛現在心尋個歇脚  
彌陀親至把手同行這也不爲奇特又能以出世因  
緣付囑於某某所以衰衣墨經換却架裟得個轉身

句子今日拈來呈似用報生我之恩借婆衫子拜婆  
年端的娘生舊鼻孔然雖如此室內兒孫畢竟向甚  
處與老母相見聾乃高提拂子云陳太孺人來也視  
無形聽無聲人間天上獨稱尊南無觀世音

爲道安庵主對靈法語白頭孩子放紙鵝沒手老翁  
撐渡船泥牛背負覓峯走金毛獅子夏蟲牽卻也不  
爲分外道安庵主向涅槃城裏獨往獨來生死岸邊  
東涌西沒你諸人還會見麼若也會得龍女立地成  
佛南方無垢世界只在萬安橋臺直轉灣縱然不會  
屍陀林諸姊契悟帝釋雨花過錢塘江西典關直到

鷄足山前不曾休歇當日龐婆十分捏怪全弄虛頭  
臨行之際變個隱身法兒將人惑亂一上爭似道安  
庵主來得清楚去得分明從前與甘贊行者把手同  
參向後共末山了然分賓抗禮今日大歇大休始是他  
放身命處老僧到這裏借面弔喪也則依例而行  
佛法不勞頻舉

爲陳母江太夫人對靈法語一踏滄江七十年歸來  
原在閣門前觸體大好通消息枯木龍吟只等閒陳  
母江太夫人現優婆夷相受波羅提木叉佛聲浩浩  
不難觸處知歸梵響蒙蒙便爾從聞得入今日厭離

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

塵網大顯神通向赤肉團上撩起便行地水火風一  
回倒斷太夫人太夫人你還知落處麼伸手只在縮  
手裏乘雁集不爲多解鈴須是繫鈴人雙鳬飛不爲  
少威音王與樓至如來同日受生實報莊嚴與閻浮  
提一門出入番身俊鶠快便難逢恁地去恁地來何  
等安閒何等自在若更瞻前慮後轉腦回頭便不是  
了當日德山老漢是何等樣人一部青龍疏鈔須賴  
他婆子焚却太夫人誦金剛經來多少年能學他婆  
子畧露些兒手脚麼處處綠楊堪係馬家家有路透  
長安欠少個甚麼

大父敬川公諱日設供水達玻瓈樹風吹菡萏花室  
中飛白鶴池底布金沙西天東土沒有兩般淨域禪  
門總歸一致我祖夙植德基崇修佛乘不壞世間法  
於火燄得清涼卽現長者身以資生爲實相佛聲明  
朗行看實報莊嚴帝網重重坐對香光繚繞今日是  
我祖降誕之辰生來九十八年歿去四十二載自娑  
婆界向極樂國無二無差歷僧祇劫在一剎那不一  
不異百年後祇此爲最後時大千壙須知有不壞者  
阿彌陀佛到咸通年間放光達磨祖師在一生補處  
賽彩古謫新翻我祖分中一齊擔荷了也禮拜起云

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

山花開似錦澗水湛如藍恭惟尚饗

大母李太孺人諱日設供九九八十一六六三十六  
挂角羚羊沒處尋白雲青山黃花翠竹憶童子時鐘  
磬森森與大母相從塔寺當時化去遂經三十六年  
今日招來山月松風畧陳微供還記得三十六年前  
從這裏去也無左青龍右白虎鸚鵡孔雀向蘆花岸  
上孤鶩齊飛南天台北五臺叨利燄摩在摩竭國中  
長天一色去去去野馬虛空聚來來青蓮火裏開  
不來不去一句又作麼生金烏夜半嶺頭明玉兔日  
中江上出

先大人漢文公諱日設供啐啄同時失從上家風膏  
諾不得全當人鼻孔選官選佛何必天然爲素爲繙  
任他龐老大人生齋素甘載修持向天台四教推  
倒枯椿從臨濟三玄掀翻巢窟踞虎頭收虎尾句裏  
明宗喫官酒臥官街當處脫盡在六通寺裏徹見他  
那一通住瑪瑙山前拾得塊紅瑪瑙盡大地是個解  
脫道場一剎那證入法華三昧賦就中峰百咏尋到  
梅花正當船子一釣踏翻明月大人大人別來還相  
憶麼師子發見迷影法漫將哮吼恐驚人父不出門  
子在門內

母陳孺人諱日設供子啐母啄子覺母殼不會則千生萬生會得則今日昨日我母臨行之際得大解脫作大施捨母孺人母孺人這裏死這裏生從來不隔絲毫許如母憶子如子憶母終成兩個母全是子子全是母喚做兩個得麼現前山河大地明暗色空放曠逍遙去來受用顧左右云見麼見麼嬰兒垂髮白如絲卽今認取

爲汪魏美居士對靈法語雲中白鶴吹來姑射山頭天外冥鴻飛向威音那畔魏美魏美百千種藏身滅跡推翻他滄溟塵沙二十年退位朝君踏破了須彌

日月陸修靜把手同行東林寄陶淵明攢眉歸去漁父徜徉看娑婆界內般般穢濁當處出離見乾闢城裏惱惱可憐裹足不入介推奉母陟蒲鞋高挂睦州王霸挈妻龐道蘊共沉湘水今日千山萬山大休大歇金翅鳥展翼而去俊鷗趕不及追風馬絕塵而走千人喚不回有者道問天天莫應屈靈均黧黑面目三萬六千場辨命命難窮劉孝標伎死形容四十八九歲豈知他東湧西沒向虛空裏轉大法輪石火電光從無往來立生死本又有道空桑魚鱉未免飄零劫火塵灰終歸敗壞雖則僻支古佛坐斷今時何

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

如遊戲神通暫來塵界可曾夢見他魏美麼六年櫟  
栗雪山成苦行頭陀九載寒空少室見觀音大士得  
勝堂內阿修羅何處安身毘耶室中魔波旬自然拱  
手安立世間法還渠父子君臣傳持向上人扶起綱  
常名教一期生死當不苟然三代禮樂盡在是矣王  
倪醫缺蒲衣善卷務光宵明許多俗漢一齊向西子  
湖畔同魏美翻身毘盧月覺師子阿閦彌陀金剛衆  
位如來都走在寶石山前從魏美俛首現前大眾向  
何處見魏美來山蒼蒼水悠悠蛩聲繁亂鶯動閒愁  
正江潮雲涌瀚海空流三潭明月一輪秋直恁去任

遨遊芙蓉兩岸蘆荻汀洲說甚神仙十二樓大千沙  
界只在一毫頭仔細認簷前銕馬湖上金牛  
爲愚庵先老和尚懸真祇這是那堪錯會先師意從  
來遍界不曾藏而今覲面難迴避未後一句尋常有  
異壁上掛葫蘆打破閒家具明月鶯鶯重來遊戲大  
人相左之右之向十里梅花畱一坐地

爲愚庵先老和尚設供柳標千峰不顧人卽今誰復  
魂師真莫愁末後無消息葛嶺橫連一片雲恭惟本  
師愚庵先老和尚洞水相逢雲門再世提一句子坐  
斷天下人舌頭說五千言掀翻從上來鼻孔八十四

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

貞善知識孰敢當鋒四十九年爛葛藤直教却席明  
時黑暗時說從崑崙影裏拗折蒼龍正不坐偏不居  
向西子湖邊歌殘漁父今日臨風一笑斷剗千山不  
特室中左右追仰無從抑且大地人天顧瞻不及然  
雖如此兒孫在近覲面依然這尋常茶飯是老和尚  
用慣的且敎繚繞山雲西溪畱一坐地

爲師翁雲門散木老人設供秘魔杖天龍指玄沙白  
紙不若雲門一字普石傘峰頭曲調成千古四十年  
中歸去來戴角大蟲老無齒笑兒孫成莽齒何事同  
時不識祖祖父從來不出門北鬱單越迢鐘南閻浮

提打鼓區區寶鏡傳自雲巖寃有頭債有王靈祐水  
牯牛溪前起舞

臘八日爲歸徐門傅淑媛對靈法語燕臺渺渺嘆離  
魂倩女從來識不眞今夜明星剛顯露好憑驚嶺現  
全身日昨接得京中一札敬庵儀部將伊傳淑媛靈  
輶送飛來峰安厝詞旨慙慙囑老僧爲伊慈悲救取  
也奇怪也奇怪六如偈臨及分明馬郎婦金沙再見  
因緣會聚自不偶然恰值釋迦老子夜半正明南看  
北斗向靈聳山頭高聲大叫道奇哉一切衆生皆有  
如來智慧德相但以妄想執着而不証得淑媛翻身

快便撩起便行三千七百里送將來一個金骨粉佳人竟往南方無姤世界立地成佛去也且道以何爲驗

拂

云天香雲外飄桂子月中落

驥

騰空飛兎莫能及

寓風法姪若耶溪上生苗安樂

山前結果平生得力處同鏡清風穴唱和詩章未後

一場榮向巖頭雪峰同條生死只可惜芳蘭早萎嫩

桂先彫蒼天多冤苦之聲廣陵有失傳之歎藏身淵

渺朕兆難窺絕影攀躋光景莫度今日伊同門兄弟

就鐵崑崙上重寫兩行墨煤在無局鑰中更加一條

標

卷之五

標

快便撩起便行三千七百里送將來一個金骨粉佳人竟往南方無姤世界立地成佛去也且道以何爲驗  
拂一拂云天香雲外飄桂子月中落驥騰空飛兎莫能及寓風法姪若耶溪上生苗安樂山前結果平生得力處同鏡清風穴唱和詩章未後一場榮向巖頭雪峰同條生死只可惜芳蘭早萎嫩桂先彫蒼天多冤苦之聲廣陵有失傳之歎藏身淵渺朕兆難窺絕影攀躋光景莫度今日伊同門兄弟就鐵崑崙上重寫兩行墨煤在無局鑰中更加一條

封鎖未能免俗要老僧爲渠證明老僧和你有甚冤讐趁快便把與個捷徑法兒一路轉去罷舉火目前空劫是如何溪上巢歸路已多放出火中鐵錫子鳳梧搖落影婆娑火炬云火盡薪傳子歸就父去也却疑紅柿墮連袂坐磐陀

爲歸洪門孫夫人對靈法語顛倒顛媳婦騎驢阿家牽百歲公公失却父首山一語帶三玄孫夫人臨行灑落去就分明現優婆夷身得大涅槃樂須信道一毫頭許一剎那間終始不離自他不隔何乃廉廉纖織又墮在河北河南說緇說素罷罷一期生死總

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

只偶然畢竟向何處安身立命。聲電光石火爍難追。  
金沙灘前開擬議。

爲涵素昌老居士對靈法語黃金臺畔路何之廻首天涯有所思。一自笊籬歸去後故園臨步欲遲遲。涵素昌老居士博通三乘妙達無生從雲棲堂上傳得蓮社根苗向愚庵老人問取西來大意日中一食居然苦行頭陀檀那波羅不數給孤長者阿那律天眼所見直證圓通維摩詰室中所談莫非法要淨毘尼者百千指高僧從絕域而來全沙門者億萬人吾道鮮會昌之厄與童子聚沙爲戲法法全彰使龍女獻

上寶珠頭頭顯露陀羅尼舌端湧出絢爛蓮花修多羅耳畔莊嚴精瑩舍利。這是他涵素老居士一生踏破五天糠粃釋梵的多少奇特臨行一路直得淨裸赤洒洒相逢把臂萬里神光縕耶素耶這裏一齊畫斷知麼知麼白雲嶽頂正嵯峨半夜鍊船飛水國爲呆峰法孫開關法語翻空鍊鷄撲地高飛入海泥牛衝天作舞盡十方世界是個道場放曠逍遙一任當人受用不見道坐斷白雲宗不妙麼老僧屈曲垂慈放你一條出路去罷。

宗會掛鐘板法語敲空有響擊木無聲世尊不說說

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

印華齋詩錄卷五

九

迦葉不聞聞四十九年饒舌還有個七佛不傳的秘  
密法重煩他金童木女仔細叮嚀大衆切須解聽  
寶覺庵燒藏木佛法語無端木佛恁矜誇院主原來  
是作家多少眉毛飛動處只今羞殺老丹霞金佛不  
度爐泥佛不度水木佛不度火這尊古佛從栴檀林  
裏托生向娑婆國中現影可可的灰飛烟起沙金  
埋在他昔是今非不妨東漏西沒諸仁者還見他無  
影光中歷歷明明許多舍利麼携取琉璃瓶子好好  
收藏待善世天王出來造八萬四千多寶塔重新供  
養然雖如此真佛家裏坐又作麼生看取露柱相交

切忌當面錯過

陳天祓儀部請爲龔正峰居士招魂法語白草迷迷  
古北邙幾年魂魄怨斜陽歸來江上西風急咫尺平  
皇是故鄉昔日善財南詢德雲比丘別峰相見偏你  
恁般古怪特特向正峰而來正峰正峰還記得故鄉  
田地麼生前落拓沒後羈棲可憐沙土沉埋未是髑  
髏粉碎今日天祓居士向黃金國裏特地尋求在百  
草頭邊從旁認取隔江招手就路還家坐看火裏蓮  
開方知水落石出乃招手云屍陀林畔不是你安身  
立命之場助汝一道寒光送汝歸去

爲慧先誠禪師起龕生也不道死也不道鄰人魯人  
入太廟天寒連底打焦磚到卽不點點卽不到山前  
山後觸目菩提看烈焰騰騰翩翩紙鵝慧先禪師知  
儒學佛六十年中做個無事道人臨末稍頭與他林  
逋處士孤山法師結一番生死交情撒手歸來落在  
這裏且喜華嚴香水處處圓成平日以不思議力破  
塵出經彌勒樓閣彈指門開依舊普賢毛孔今日未  
後一着光前絕後從火燄裏轉大法輪請向瑪瑙坡  
前密移一步

舉火丙丁童子往來頻火後莖茅着意尋臘月蓮花

開嶺上親看燄裏結寒冰擲火炬云惺惺惜惺惺  
爲歸徐門優婆夷舉火十方四面無門個裏那容棲  
泊向烈火裏翻身歷劫無明灰滅擲火炬云撇  
爲果心行童舉火一路是涅槃門去來從無遷變童  
子別展神通臘月冰河發燄擲火炬云薦

信官顧豹文助資

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

卷五

詩旨隨錄文獻錄

七言律詩  
雨露淋漓潤風水  
可憐無事人  
爲界亦資童子力  
一報長蟲門  
老來勞燕母  
因禦火裏睡良早  
甚甚無出死  
蟲給門  
老叟更舉少  
十六四面無  
門除裏誰  
聞  
身上應音錯  
裏誰寒木  
聽火重  
多對對音錯

雲溪很亭挺禪師語錄卷之六

弟子智悅編

問荅

愚庵老人除夜垂問厨庫山門卽不問路邊華表柱  
道將一句來師云君子愛財取之有道

又問山連碧落月上湖心正恁麼時如何師云丹竈  
冷千年不逢林處士

又問年窮歲盡枯樁上事如何師云明日是初一

問如何是獅子喰呻師云野干鳴如何是獅子返擲  
師云烏龜廝打如何是獅子踞地師云猫兒努眼睛

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

披述

佛學彙編卷之三

張用霖居士問起滅不停時如何師云是誰起滅  
顧且庵居士問大悲千手眼那個是正法眼師云西  
子湖頭一片雲

胡彥遠居士問十智同真卽不問三玄三要事如何  
師云何不問十智同真士云如何是同一質師云一  
粒大還丹如何是同大事師云山河大地團團走如  
何是總同參師云佛來也打魔來也打如何是同真  
智師云金博金如何是同普偏師云目前無物阿誰  
欠少如何是同具足師云騎賊馬趕賊借婆衫子拜  
婆年如何是同得失師云全身入荒艸如何是同生  
殺師云不入虎穴不得虎子如何是同音吼師云雷  
轟旱地如何是同得入師云把手踏空行與甚麼人  
同得入師云漆園逢禦寇與誰同音吼師云木馬撞  
金牛作麼生同生殺師云一棒一條痕一掌一握血  
甚麼物同得失師云見怪不怪是精識精阿那個同  
具足師云今日就窩打劫甚麼同普偏師云兎角杖  
頭龜毛拂子何人同真智師云切莫喚奴作郎孰與  
總同參師云南北八千東西十萬那個同大事師云  
陶令攢着何物同一質師云死貓頭士禮謝師云要  
識三玄三要麼隨後一喝

林靈修居士問自墮此身已悔失足師云釋迦老子早失足來士云佛有神通在師云居士欠少甚的士云金棺雙足還須讓彼釋迦師云大好一場塗污范文白居士問食嗔癡戒定慧同是梵行果否師云我不說是梵行士云如何是戒師云放火殺人如何是定師云夢醒也未如何是慧師云忒煞懵懂陳胤倩居士問如何是奪人不奪境師云禹貢青徐如何是奪境不奪人師云職方幽并如何是人境俱奪師云孟津三千如何是人境俱不奪師云金山萬國

僧問德山器宇如王爲甚麼不會末後句師呵呵大笑僧云乞和尚不吝慈悲旁通一線師又笑云密啟其意了也僧佇視師云何不禮拜僧禮拜云拜則儘拜還要求個親切句子師云當面錯過僧出旁僧問云作麼作麼師云渠問鷄冠花爲什麼如許紅

師與南山寶壽白巖崇先諸師臯亭茶次白巖忽與守廓侍者在華嚴座下問答嚴舉似風穴因緣爲語且曰此話甚奇特諸兄高鑑以爲何如師遽曰守廓侍者見德山勑點飛龍馬跋鰲出頭來這老漢今始瞽地詬老兄高鑑以爲何如白巖撫掌云夜眠侵早

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

補遺

卷之三

三

起又有不眠人師乃大笑諸師亦笑

師與南山天目兩和尚茶次偶及五位王子語師云會元洞山章次不及王子惟石霜章次有之然本云霜爲洞山五位王子作頌了了分明後人不察竟以王子爲石霜所立失之遠矣南山云王子雖洞山所立然與五位似不相配師云人天眼目以誕生配正中偏以朝生配偏中正故不相合往余作洞宗剩語以朝生配正中偏以末生配偏中正以誕生配正中來則本相合非不相配也天目云往讀洞宗剩語得未曾有乞爲大衆指點一番師云朝生末生是外紹

是臣種故以配正中偏偏中正兩位所謂隱隱猶懷舊日嫌休更迷頭猶認影者是也誕生化生內生是內紹是王種故以配正中來兼中至兼中到三位讀洞山頌及石霜頌并九峯王子語則自分明不必更爲詮釋也功勲王子皆本洞山豈洞山自言之而自相倒置乎後來之謬皆原以曹山妙德尊寰宇五段問答誤列爲五位君臣故將誕生一位移列在前汾陽昭亦將正中來一位移列在前皆非洞山本旨洞山權開五位普接三根分臣種王種之殊有內紹外紹之別歷歷分明不差累黍淺深次第非可誣也天

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

目云汾陽昭手眼極高忽以正中來一位移置於首  
 襪固疑之乃今知其以誕生王子兩相配合故也誕  
 生是王種配正中來無疑舊本以末生配正中來誠  
 爲不令如兄高鑑可稱覲面古人矣師云五位功勳  
 有向有奉曹山章謂君視臣者向也其謂臣奉君者  
 奉也蓋此僧偶然來問先問君次問臣次問君臣道  
 合曹山一一具對所謂君者單指正言所謂臣者單  
 指偏言所謂君臣道合指正偏兼帶言君視臣是正  
 中偏臣奉君是偏中正曹山就話答話當面具陳初  
 未嘗與五位爲配後人不辯以此爲君臣五位語故

一差無所不差耳殊不知曹山五位有子時當正位  
 及白衣須拜相偈歷歷明明白與洞山首尾相發臣  
 奉君子順父本寶鏡語互明偏正而曹山再言之因  
 僧來問指點人前具見祖禰不了不可將妙德尊寰  
 宇五段答語硬配五位錯亂古人也南山云嘗讀洞  
 上古轍中間詮解功勳語未必盡善老兄以爲何如  
 師云余剩語中頗爲註釋一上鼓山尊宿余不敢置  
 辭也天目云有位有功畢竟作何分別師云轉功就  
 位轉位就功體向用用向體古人再三發揮有經有  
 繙有位有功五位五功猶五經五緯也今人誤看人

天眼目不知轉位轉功作何等解先宗綱要未免差  
違矣天目云王子功勳畢竟是何旨要師云無功之  
功功就之功親言出自親口大功不宰故歸根墮葉  
照盡潭空也外紹歷階級涉功勳內紹不歷階級不  
涉功勳外紹不如內紹然人根利鈍不同故功勳自  
不可廢王子受灌頂位譬如王子能成一國之事居  
然紹述無疑矣立位立功又立王子洞山多少苦心  
次第宛然三根普利揀異辨魔不可不察也南山大  
目乃共稱善

僧入問德山三年話師打一掌云去

陸麗京居士問大悟一十八遍小悟不記其數大慧  
果然否師云大慧錄未嘗有此特見之楊慈湖集中  
悟門雖大小不同亦有根本後得之別若云大悟一  
十八遍依古以來未之嘗有豈聞桃擊竹一悟俟更  
悟耶

祁文載居士問如何是晉鋒八博師云草木皆兵如  
何是對機迷師云切莫喚鐘作甕如何是藤林荒師  
云刺着你腦子如何是中看垂師云吽吽如何是笑  
我多晒我少師云這漢不打自招  
問如何是然燈前師云先行不到如何是然燈後師

云末後太過如何是正然燈師云撞着道伴交肩過  
西遜居士問雲門一字還具三句也無師云作麼生  
不具如何是一字中三句師云呱士乃撫掌  
僧問牛頭未見四祖時如何師云白日依山盡見後  
如何師云黃河入海流

講楞嚴次林靈修居士問經中道不歷僧祇獲法身  
祖師門下有法身邊法身體法身那邊作何分別師  
遂問居士如何是法身士云古今不隔師云未在你  
問我士云如何是法身師云人烟寒橘柚士再問如  
何是法身體師云秋色老梧桐士云如何是法身那

邊師云且過這邊着士作禮

余石鱗居士問威音以前有世界否師云問取威音  
士又問未有世界先有威音彼時威音何所托足師  
云東村王大姐家朱二爲居士問如何是禪師云丹楓黃菊  
陳際叔居士問劫灰幾時變滅師云有勞記卦士云  
幾時飛起師云從居士這一問起

淨慧居士問汾陽十八問還許辯驗也無師云疑則  
任舉士云如何是請益問師云山門八字開如何是  
呈解問師云賣寶撞着瞎波斯如何是察辯問師云

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

前村水深多少如何是投機問師云盲龜值木如何  
是偏僻問師云不妨捏怪如何是心行問師云縱火  
燒身如何是探拔問師云也許你伶俐如何是不會  
問師云我要個不會的如何是繁擔問師云放不下  
自領去如何是置問師云不消一捏如何是故問師  
云這一句從那裏來如何是借問師云共你打葛藤  
如何是實問師云我不瞞你如何是假問師云且莫  
詐明頭如何是審問師云吾今不再三如何是徵問  
師云鈍置煞人如何是明問師云切忌當頭如何是  
嘿問師云啞却汝口

止一侍者問如何是雲溪一句子師云朱雲流晚照  
進云其中人還受親近也無師云受進云恁麼則皎  
皎蘆花月青青橘柚風也師云白羽送輕颺止作禮  
師云且過一邊着

止一又問位豈不是明體師云是進云功豈不是明  
用師云是進云卽如兼中到一位作麼生轉師云轉  
向功上來進云不共是功效又作麼生轉師云轉向  
位上去進云功位是分不分師云分不分進云位功  
齊彰却成兩個了也師云一亦不立進云功位齊隱  
又作麼生師云莫詰墮

問如何是妙唱非干舌師云月明初夜作麼生進云  
如何是死蛇驚出草師云濃粧淨洗作麼生進云如  
何是解針枯骨吟師云花開劫外作麼生進云如何  
是鐵鋸舞三臺師云泥牛木馬作麼生進云如何是  
古今無間師云不落有無作麼生

僧問有一人徧身紅爛在荆棘林中未審是什麼人  
師云賊進云誰人近得他師云不是賊

柴虎臣居士問如何是居一切時不起妄念師云漆  
桶不快如何是於諸妄心亦不息滅師云漆桶不快  
如何是在妄想境不加了知師云漆桶不快如何是

於無了知不辯真實師云漆桶不快

吳錦雯居士問世尊初生指天指地卻是爲何師云  
莫被這老漢鼓弄

喫飯次居士問盡大地物是我自己如何自喫自己  
師便奪卻

敬菴居士問神通妙用運木搬柴祇這是還別有師  
云我當時若見龐公打折他脊骨士云何故如此師  
云老老大大阿誰教你運木搬柴

趙梓木居士問鵝鳩樹上啼過在甚麼處師云蒼天  
蒼天士云動客揚古路有甚長處師云龍蛇易溷衲

子難瞞士云一予一奪却是爲何師云偏你不肯僧問如何一喝是金剛王寶劍師云頭落也未如何一喝是踞地獅子師云莫犯爪牙如何一喝是探竿影草師云在你肚裏穿過如何一喝不作一喝用師云你作麼生商量

僧問如何是先照後用師云共你打葛藤如何是先用後照師云老僧看毛長多少如何是照用同時師云趁刀快如何是照用不同時師云住持事煩忘前失後

王鵠山居士問五宗同異師云同則儘同異則儘異

士云畢竟如何師云不可喚眼睛作鼻孔不可不喚眼睛作鼻孔

居士問如何是臨濟宗師云曹操王莽如何是曹洞宗師云蘇秦張儀如何是鴻仰宗師云白起王翦如何是雲門宗師云文成五利如何是法眼宗師云趙禹張湯

僧問如何是臨濟宗師云電掣雷轟如何是曹洞宗師云珠廻玉轉如何是鴻仰宗師云鳥篆龍文如何是雲門宗師云風起雲屯如何是法眼宗師云水落石出

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

僧問如何是信位師云眼中着眉如何是人位師云  
泥塑木雕

問隱身三昧是死法是活法師云雖是死蛇解弄也  
活

僧問既是未容擬議王賓分爲什麼又須一喝師云  
賓主歷然你作麼生擬議僧云朱點印開爲什麼不  
說三玄只說三要師云不見道一玄具三要麼僧云  
闍黎卽是老僧爲什麼分賓列主師云老僧自老僧  
闍黎自闍黎僧云賓看賓賓中賓是同是異師云門  
外閒人不比遊閒公子僧云主看王王中主是異是  
外

同師云法身向上豈徒啐啄同時僧云賓看王賓中  
主作何指歸師云客作漢從他奔走須不是百草頭  
邊祖師僧云王看賓王中賓作何分別師云堂中人  
恁地指揮也不是鬧市頭邊帝王僧云三玄分意句  
已懼支離爲什麼重申三訣師云換郤學人眼睛僧  
云四料揀四照用施設儘多爲甚麼四喝邊別開四  
句師云失郤師家鼻孔僧禮拜

葉綿如居士問古人道不是旛動不是風動畢竟甚  
麼動師云葛藤不了

戴慎庵居士問如何是賓中賓師云嶺上白雲深如

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

卷之二

何是賓中主師云日輪正當午如何是主中賓師云月落碧潭清如何是主中主師云王殿蒼苔古

問雲門見陳操尚書問非非想天幾人退位操無以荅當時合得一轉語師云腦後見腮莫與往來

止一侍者問古人道個何必則云不必道個氣急殺人則云氣喘殺人消訛在甚麼處師云若不消訛爭勞垂問進云祖公賦亭此意如何師喝云這猴子不知進退

問大通智勝爲甚佛道不成師云坐道場故進云菩提樹下爲甚佛道乃成師云法現前故進云前十小

劫後十小劫爲同爲異師云今年豈異去年昨日不同今日乃云寶鏡三昧中引十劫觀樹爲言百丈云劫者滯也名爲十成取次承當守住耽着九峯謂是染汚是斷絕過十小劫方成回互古人藉教明宗不妨指註無爲卽是正位教有明文一味老實頭不知忌諱語多觸犯便乃斷絕便屬染汚明中暗暗中明錦縫重重機絲不斷吹去萎花更雨新者尋常覺海義海真如涅槃一齊丢向垃圾頭邊着着別有出身之路他家謂之通一線道活卓卓地收放自由佛法現前不爲分外然雖如此畢竟是有佛道可成麼戴

角披毛渾底事漫持此語問曹山  
解修居士問五家宗派謂法眼雲門並出馬祖何也  
師云丘符僞碑且不具論卽如兩家說法多引石頭  
爲言巖頭與雪峯同師所著綱宗有云語忌十成不  
欲斷絕機忌觸犯不欲染汚大似參同回互之旨夫  
豈強而合哉玄沙出雪峰下亦云中興石頭之宗未  
聞馬祖也僧寶傳序謂臨濟爲仰出自南嶽曹洞雲  
門法眼出自青原覺範向侯延慶親口言之豈得因  
張商英死活不同一疑更易祖牒吁世多盲人可笑  
也

陳慎旃居士問如何是賓中賓師云門外草青青如  
何是賓中主師云塵埃見天子如何是主中賓師云  
玉宇覆寒雲如何是主中主師云蒼煙埋石虎  
僧問如何是敲唱雙行師云一曲兩曲無人識如何  
是金鎖玄路師云這邊那邊如何是不墮凡聖師云  
燈籠緣壁上天台如何是卽物契神師云你喚甚麼  
作物僧禮拜師云且緩緩

僧問古人道正中偏是奪人不奪境卽主中賓亦云  
理無礙是否師云荷葉團團似鏡偏中正是奪境  
不奪人卽賓中主亦云事無礙是否師云菱角尖尖

尖似錐正中來是人境兩俱奪卽王中王亦云理事無礙是否師云風吹柳絮毛毬走兼中至是人境兩不奪卽賓中賓亦云事事無礙是否師云雨打梨花蝶飛卽如兼中到一位又作麼生師云蚊子上鐵牛無你下口處

有老宿至偶述智證傳至瑜伽師地論云分別曾所更非曾亦分別昔年有個理會處師云過去事已過去了未來不必預思量莫作如是解耶宿云是也師云圓圖說道理儘好於本文順釋卽不得宿因請消文師云教家以分別爲意識曾所更者所謂帶質境

也非曾者所謂獨影境也獨頭意識如騎虎入蟻穴曾所未更然總之不離意識楞嚴云分別影事蓋無始領納塵質雖銷影藏阿賴故云凡分別者必曾所更雖所未更亦屬分別但得雪消去自然春到來分別識亡平等智顯蓋現量時非比量所及也敎理云然宿稱善

寶壽和尚舉大慧格物語云明皇揮劒闖州守頭落昔先寶壽舉問願菴兄及室內諸兄語未契機某當時一言投合師因詰之壽云明皇若見是畫像卽不揮劒了也師云某拈此則語又且不然壽因詰之師

云明皇是殺人刀大慧是活人劍今人只顧說道理當日大慧若唱綿州巴歌時却又作何等道理會耶饒你十二分理會說到蔡順嚙指周暢歸田麒麟鬪而日月食鯨鯢死而彗星出銅山西崩洛鐘東應總只是個格物的道理要會他物格也太遠在當時妙喜掉轉船稍劍起頭落世間良馬見鞭影而馳劍去刻舟不是好手不見道子韶格物妙喜物格要會一貫兩個五百麼壽撫掌

問隨流得妙不失其宗海門國裏紅輪流而不返還得妙也未師云日日廣陵濤

問瘞鶴銘是王羲之寫有的道陶弘景畫真僞莫辨以訛傳訛何日了師云不妨疑着

問白雲影裏怪石露故遭雷轟流水光中古木新柯誰瞧得只饒瞧得也是弄影漢着實處道將一句來師云勘破了也

問瞭高臺占却雙峰頂可謂得地爲甚麼又東倒西歪只是扶豎不起師云莫眼花問既是樵山又無柴燒烟火種從此熄矣冷灰裏的荳幾時得爆師云多謝記掛

問洞山謂枯木堂前時時九夏若然則露柱也須汗

9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

出脚礫石因甚沒點煖氣逐日死墩墩的還體得從上事麼師云泥牛昨夜吼春風你還見否

問焦公三召不出畱得清風鎮海山良非虛語祇如西馬頭蝦墓石從不出窟作何品題師云問取東村王老

問海不揚波秋水澄澄映碧這般境界也似可觀爲甚麼喚作生死岸頭事師云不是弄潮人空在磯邊坐

問篆文無口款式不靈博古圖中不收焦山寺裏鼎面上一行字甚不清楚如何定款師云這骨董且安

放着

問渡生船雖解逐浪隨波往來遭人踐踏載過無數人寧有幾個知得柁柄從來不着實師云今日却遇逆風

周敷文居士問如何是荷葉團團似鏡師云張公大谷梨如何是菱角尖尖似錐師云梁侯烏椑柿如何是風吹柳絮毛毬走師云周文弱枝棗如何是雨打梨花蝶飛師云房陵朱仲李又問畢竟如何師云趙錢孫李周吳鄭王馮陳褚衛蔣沈韓楊有一句子能殺能活有照有用若人辯得許你親見雲溪

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

標迷

卷之六

澗梅居士問女子出定話大慧頌云文殊與圓明喪  
郤窮性命其意云何師云天童拈云還知老瞿曇性  
命在我手裏麼你作麼會

東山晴和尚問雪峰鰲鼻蛇玄沙爲甚郤云須是稜  
兒始得師云一夥弄蛇漢提他怎的旁僧請益師云  
三佛侍五祖當時還有優劣也無法眼捲簾趙州勘  
二庵主你尋常作麼生會

僧舉清涼荅復禮真妄偈請益師云你作麼會僧云  
本淨本不覺由茲妄念起是言本來清淨只因不覺  
故妄念起耳師云錯錯僧云奈何師云淨本不覺不

覺本淨真妄同原一時俱起楞嚴謂覺明爲咎正指  
此耳人知去妄存真不知全真是妄知見立知卽無  
明本膠膠擾擾長此安窮能迷的是我所迷的是物  
心由境立境逐心生內獮猴外獮猴展轉相呼呼個  
不徹求其相似豈可得耶乃呼僧近前拊僧背一下  
云上座你要求相似麼咄莫妄念好

東山和尚譚次偶舉曹山渠我偈山云渠如我是佛  
我如渠卽驢分明是三墮面目師云諸方作三無差  
別解說了也山云背上毛有者道背上無毛作麼生  
師云背上旋毛人孰不曉祇因人認定個借黑權正

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

以白表偏作死法解如認定背上旋毛便作陰陽太極解還許他具眼麼當日龍馬負圖以象示意癡人說夢怎的怎的

陳無逸居士問斬貓公案意旨如何師云當時南泉不曾斬貓士舉似他僧僧云此是作家人語士復舉似師師云居士莫被此僧瞞却

楊士虞居士問鴻仰宗師云遠寺撞疎鐘問臨濟宗師云兩陣決雌雄問曹洞宗師云言語擅雕龍問雲門宗師云夜半日頭紅問法眼宗師云簾外杏花風僧問借之爲言一色邊事耳如何是借師云從模脫

出進云力在逢緣不借中如何是不借師云就裏掀翻進云若還借借終不妙如何是借借師云光影未亡進云紙衣道者不借借如何是不借借師云回途得妙進云古人又道全超不借借如何是全超師云這裏沒話會分

僧問臨濟云不用如何若何便請單刀直入時有僧禮拜起便喝濟亦喝僧又喝濟又喝僧禮拜濟曰若是別人三十棒一棒也較不得爲伊却解一喝不作一喝用又華嚴陞座亦云不用如何若何便請單刀直入時守廊侍者出衆便喝嚴亦喝廊又喝嚴又喝

廓禮拜起顧衆曰這老漢一場敗闕臨濟華嚴是同  
是異師云要見臨濟卽易要見華嚴卽難臨濟面上  
刺兩行字華嚴暗裏掘個萬丈深坑

僧舉庄上喫油糍話求着語師云賊賊有正賊有旁  
賊

僧舉國師喚侍者語請益師云我當時若作侍者但  
作禮云和尚珍重

僧問斬貓話師云趙州爭救得貓兒僧云和尚又作  
麼生師云我當時若在但哭蒼天而出

止一舉雪峰辭洞山話問云當時雪峰何以無語師  
云上座作麼生止云某甲若作雪峰待洞山云旣是  
不識爲甚知他無面目便與道個灼然師云恁麼又  
爭得止云和尚作麼生師云我當時作雪峰但云和  
尚見他有分

止一舉曹山到烏石話問云若言我道卽啞却我口  
若言我不道卽禿却我舌曹山舉似洞山山深肯之  
當時洞山不肯待作麼生師云子有恁般長處止云  
我當時若作烏石待曹山再問時便亂棒打出管取  
一場慘懾師云若恁麼又爭得

師因閱智證傳問衆云寂音以雲門三句爲解秦時

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

鍍鑠鑽還明得雲門意否止一云錯會不少師云如何是寂音錯會處止云何不向拓開處明取師云果然果然

東山晴和尚舉翠巖睂毛話未竟適龍門懷姪至請問師云晴兄舉翠巖睂毛話當時雲門云關雪竇頌云關字相酬失錢遭罪且道雲門關字意在于何雪竇失錢遭罪在王家說在賓家說諸人無對師拍案一下起云今日東山和尚失錢遭罪

龍門問婆子燒庵話謂諸方扶起這僧は何眼目東山云這僧也不得無過師云和婆子一齊打趕東山

云當時兄作這僧畢竟別有長處師云當時但隨手一掌云勘破了也

龍門問庄上喫油糍話師云西遯道人郤有眼目解說這庄主一撥便動諸方呆睜睷地看了幾多年龍門問德山托鉢話師云先老人頌云三年活最參商令人錯憶修文郎山僧亦曾拈得且如三年後德山不示寂又作麼生蒼天蒼天同條生不與我同條死門云末後句何不舉出師云蒼天蒼天時東山和尚在座乃大笑龍門又云昔有老宿頌云虎爲百獸尊誰敢觸其怒獨饒父子情一步一回顧咄末後句

不在裏許此頌如何師云道卽太煞且只道得一半  
僧問浮山九帶應具十數如何是那一帶師拈起衣  
褶云在這裏僧云莫便是麼師云効去久矣  
施食次楊自西居士問談口觀門總表一心法界是  
否師云好端端一個心爲甚見神見鬼士云無心莫  
便是麼師云也不得同於木石

沈亞斗居士問正偏黑白是陰陽黑白否師云別黑  
白定一尊是秦皇語是李斯語

王鶴山居士問如何是無住生心師云八角磨盤空  
裏走士云畢竟如何師云住了也

僧問五位旣有君臣何勞又立王子師云臣奉君子  
順父語本分明進云君臣明甚麼邊事王子明甚麼  
邊事師云一邊是建立門頭一邊是紹述分上  
鄒叔夏居士問如何是正中偏師云窮相大光錢如  
何是偏中正師云獮猴彰古鏡如何是正中來師云  
金殿破蒼苔如何是兼中至師云木馬嘶風處如何  
是兼中到師云龜文絕朕兆

孫宇台居士問如何是向師云召問宣室如何是奉  
師云鵠立通明如何是功師云帝力何有如何是共  
功師云涿鹿版泉如何是功功師云玄珠赤水

汪魏美居士問如何是朝生王子師云鉤弋宮中如何是末生王子師云滹沱村裏如何是誕生王子師云建武永平如何是化生王子師云納麓用圭如何是內生王子師云循輩疏乞

問慈明室中橫刀水盆旁置草鞋是何意旨師云我當時若見便與趕倒進云冬日榜僧堂將謂別有師云鈍置殺人

侍者止一問忠國師云欽師猶被馬師惑是否師云汝作麼生會者云當時南陽太煞師云賴女證明心周大師問如何是剝竿頭上煎餸子師云何不問

三個猢猻

應嗣寅居士問法華經云惟此一事實餘二卽非真如何是此一事師彈指問牛頭未見四祖時如何師云露重花繁見後如何師云霜寒木落

關六鈴居士問同時一喝如何是賓王歷然師云我不敢欺于汝等

爾思大師茶次舉洞山一人說得行得一人說不得行不得語爲問師云我有一語要問老兄疎山造壽塔兄作麼生會思未答師遽起去次早思向師謝師

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

乃笑

機述

嚴闡庵居士問三玄三要辯者紛紛未知孰是師云一句三玄一言三要既云一句居然可知古塔主分句中玄意中玄體中玄浮山遠圓悟勤皆仍其說蓋汾陽頌法界廣無邊卽謂之體中玄可釋尊問阿難卽謂之句中玄可直出古皇前卽謂之意中玄可然嘉州卽是陝府陝府卽是西河大象不是鎌牛鎌牛不是獅子是三是一句下全該重陽菊花明明標準未嘗截然三句也宗門中嚴頭三句雲門三句玄沙二句各有頭腦古塔主初未嘗以三玄旨訣硬配玄

沙覺範特地差排也是按牛頭喫草幻寄辯之詳矣最可笑者以汾陽頌子割裂成文謂三玄三要事難分句是總頌得意忘言道易親句頌意中玄一句明明該萬象句頌句中玄重陽九月菊花新句頌體中玄他人信之聚頭傳說汾陽意果如是耶又說重陽一玄九月一玄菊花一玄直堪噴飯覺範又將石頭參同契前後割裂配體中句中意中尤爲錯悞青原南嶽各有綱宗不妨分合異同彼此各見賓看賓王看王賓看王主看賓要且不是賓中主王中賓賓中賓王中王三玄要且不是五位一句中具三玄一玄

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

中具三要一位纔彰五位分何嘗不同鼻孔然將五位扭合三玄只便不得何況參同歷歷首尾成文明暗正偏自有綱要將他言語割裂支離不惟唐突石頭抑且埋沒臨濟覺範平常最喜割裂然郤有理路至于割裂參同則理路亦說不去正與割裂汾陽頌子一例看承徒足取笑蓋三玄之錯錯在割裂言句誤解三玄非謂一玄二玄三玄便是錯也若會他古人旨趣卽謂是體中句中意中亦無不可若死向體中句中意中下個註脚刻舟求劍已六差遲何況背理迷文轉失轉遠去聖時遙顛預穿鑿病有兩般要

會他臨濟三玄須向一句下直捷會去

張且公居士問五位君臣古人作兼中至智證傳作偏中至近世或仍覺範作兼作偏未知孰是師云覺範謂正中來始解安身偏中至方成唱和只此二語已矛盾了也蓋五位是圓的不是方的是一位一位轉進去的不是一東一西轉出來的正中偏時猶有正在故稱昔嫌偏中正時猶有偏在故罪認影至正中來一位無中有路已證理事無礙法門他却從正位中自有一個出身南泉謂解作活計是也此處不得說正不得說偏故曰兼也正偏兼帶義取於此兼

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

中至是兼帶分中的這一邊兼中到是兼帶分中的那一邊從這邊到那邊步步轉郤雲居謂頭頭上彰物物上顯祇喚作了事人不名尊貴須知尊貴一路自別方爲向上方始到家淺深次第自是其然向正中來後反列偏中至一位這裏作麼生轉曹山不云乎偏者臣也事也子不順而非孝臣不奉而非輔偏且作麼生至耶覺範解疊三變五穿鑿易象將正中來偏中至却放在前正中偏偏中正却移在後足顧居上手顧居下有是理耶其不足信明矣

問王子配君臣是否師云君臣王子總是葉山家風

王子有外紹內紹臣種王種則猶君臣也當時卽不必配配亦儘得但不得錯亂配合如舊刻人天眼目失他從上樞紐惑亂後人耳九峰嵒明王子曹山嵒明君臣自是祖禰不了益石霜九峰曲暢綱宗總歸曹洞如巖頭末後句總歸雪峰也君臣王子有異乎君表正也臣表偏也但言君臣已具父子此中尊貴不言可知王子單明種紹言臣不言君言子不言父順父奉君同時妙密君臣猶涉功勲父子不涉功勲故君臣言功王子不言功也有君臣又有王子回互之旨卓卓全彰矣

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問轉位轉功作何分曉師云位猶經也功猶緯也舉一必雙言經有緯步步轉着着轉這裏不容坐地若是用又近體邊若道是體又在用邊水上按葫蘆相似直饒着力不得古人云向去的人玉蘊荆山郤來的人紅爐片雪猶是途路邊事待得通身不滯撒手無依石女夜登機密室無人掃這是什麼時節耶也須親到始得又云轉功就位是正中來一位事轉位就功是兼中至一位事莫錯莫錯嚴顥亭居士問天皇出石頭天王出馬祖是否師云丘符二碑全然影響祇因張無盡好奇硬將臨濟德山扭做一塊殺活不同錯認死活不同打地打天劈

空造出殊不知荊州天皇雖嗣石頭兼師馬祖傳燈所載歷歷不誣覺範勒歸馬祖萬松辯之在先所謂無恥小人冒名不是者也德山塔銘備詳世系自青原石頭天皇龍潭彰彰不爽今現在武陵善德山萬曆乙卯歲郡人楊鶴識之蒼苔剝蝕間鐘伯敬賦詩以紀其事可考也且德山是天皇嫡孫雲門是雪峰嫡子欽山問德山天皇也恁麼道龍潭也恁麼道未審和尚作麼生道德山云你試舉天皇龍潭的看雪竇拈古圓悟再評未聞改天皇爲天王也雲門至僧堂中立而語曰石頭道回互不回互僧問作麼生是

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不回互門以手指云這個是板頭僧又問作麼生是  
回互門云喚甚麼作板頭以至巖頭同死同生羅山  
謂雙明雙暗雪竇拈古亦稱明暗雙雙地藏法眼並  
表回互法門歷代以來同祖石頭等無有異果如無  
盡所擬須將他雲門法眼兩支宗眼一齊抹殺德山  
下一班尊宿還甘麼烏有先生無是公不足信矣  
問洞宗自長蘆了天童覺自得暉以後無大顯者青  
州萬松而下更有何人師云續畧所載宋元來且不  
具論卽如雪軒成禪師字鷲峰出世萊州之智藏寺  
萬指圍繞洪武間住持天界賜金襴袈裟高皇作詩

贈答有不荅來詞許哩然西歸隻履舊單傳鼓鐘朔  
望空王殿示座從來數歲年之句永樂中詔往日本  
御製詩章送之有語錄行世入滅舞鶴翔空烟所及  
處舍利無算載在世典可考也承前啟後代有其人  
廩山大覺不爲無本

蘭生居士問曹山是洞山之子何以不稱洞曹却稱  
曹洞師云曹山志慕曹溪尊曹溪故稱曹洞今人杜  
撰稱洞曹者非也  
僧問如何是法身佛師云離朱目渺如何是報身佛  
師云帝釋形勞如何是化身佛師云莫隨他哄弄進

云恁麼則三身一身也師垂一足云是甚麼  
趙梓木居士問弟子閱楞嚴至且日照時既是日明  
十方世界同爲日色云何空中更見圓日順文難消  
乞師開示師云如文順釋本自了然譬如阿難不見  
阿難人縱目明終不自見其面今旣十方世界同爲  
日色反觀空中何更見圓日耶此明照不必盡生於日蓋  
可知矣又世界是所照日是能照日與世界能所宛  
然終不並將世界指名爲日此明照不必盡生於日蓋  
可知矣以日輪本空明無自性故也時解翻作一  
轉謂只應十方世界同爲日色語亦尖新余所不取

僧問大通智勝佛十劫坐道場可是坐斷白雲宗不  
妙麼師云你且道大通智勝有過無過僧云無過師  
云旣是無過爲甚麼不成佛道僧無語止一至師問  
爲甚不成佛止云太尊貴生師休去

師與白巖南山寶壽茶次偶舉雲巖祇這是詰白巖  
云有作洞山沉吟有作洞山嘿然大須別白師云景  
德傳燈錄本云洞山良久非雲巖良久也作沉吟嘿  
然者並失南山云畢竟傳訛自何而始師云傳訛自  
寂音始寂音作智證傳改良久爲沉吟後來因之莫  
從考正也白巖云會元亦作沉吟何也師云會元成

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

于淳祐以後智證傳成于建炎以前寂音傳訛會元  
未能深辨耳寶壽云此話先師曾爲舉出先師室中  
嘗語余曰雲巖祇這是洞山嘿然卽良久也蓋洞山  
悟無情說法豈於祇這是一語尚沉吟未徹耶高峰  
頌百年三萬六千朝反覆原來是這漢當時固已十  
分至枕子落地時方是末後一着耳洞山過水逢渠  
亦猶枕子落地也雲巖云价闍黎承當個事大須審  
細從來肯諾不全個裏莫教錯會白巖南山乃共稱  
歎師云是是

僧問和尚近設十約是否師云是僧云還許學人擬

問麼師云有問則對僧云諸佛出世爲一大事因緣  
和尚何以不受請師云掩室摩竭僧云宗教雙通車  
輪鳥翼和尚何以不赴講師云經有經師僧云治世  
語言深說實和尚何以不談外典師云吾無隱乎  
爾僧云咳嗽掉臂無非佛事和尚何以不爲詩文師  
云我王庫內無如是刀僧云財法二施等無差別和  
尚何以不募緣師云生怕着賊僧云入塵垂手具大  
慈悲和尚何以不入城師云翫水遊山僧云奴兒婢  
子誰家屋裏無和尚何以不畜童行師云老僧無伴  
侶僧云凡聖交參權衡有主和尚何以不問諸方是

非師云耳聾僧云塵塵刹刹皆現本來和尚何以不  
言塵俗師云口啞僧云覓女人相了不可得和尚何  
以不見女人師云郤值老僧不在僧禮謝

誰菴問空豁豁地時如何師與一掌菴不覺伏膺云  
古人道青天也須喫棒師又與一掌菴去半月後復  
來師云近日菴中作麼生菴云無物祇對和尚師云  
汝會耶菴云九上洞山事不獲已師云原來不會  
誰菴參師設問云如何是轉功就位誰云須防踏殺  
天下人又云月到天心風來水面大好一個消息諸  
人作麼生鑒誰云處處綠楊堪繫馬家家門闌透長

安又云明中有暗卽不問如何是暗中明誰云十畝  
篩金又云賓王曉時全是妾君臣叶處正中邪作麼  
生轉身就父誰云崑崙騎象鷺鷥牽又云一馬生三  
寅此理如何誰云非驢所堪又云土地公公向鄭十  
三娘道個甚麼切須解聽誰云聾又云通身是病直  
須痛下針錐誰云炙猪左膊上又云古人道我到這  
裏却不會還是會了不會還是不會誰云向這  
裏滅却又云承當擔荷切須轉却無承當擔荷如何  
誰云橫挑日月又云世尊不說迦葉不聞三千里外  
別行一路誰云臺山婆子不識又云春到寒食四十

五此語還諦當麼誰云面目一般又云五位王子是  
明甚邊事誰云莫令太上蒙塵又云桃花風雨是處  
殘紅作麼生避得誰云風飄萬點正愁人又云石烏  
龜生子撲地高飛過在甚麼處誰云水牯牛解得父  
云從來被汝等熱瞞覲面相逢也須一一勘過誰云  
北斗面南看又云不得向這裏躲根一棒一喝還我  
個親切句誰云與麼與麼又云九年面壁當爲何事  
誰云瞎又云老僧持不語戒同道者須知誰云一個  
霹靂天下響師云玉石不分金鑑未辨誰云請師答  
師別爲語示之別第一語云白雲飛片片別第二云  
似則似是則未是別第三云離朱刮目別第四云朝  
來更獻楚王看別第五云大悲院裏有齋別第六云  
獮猴八道場別第七云放下着別第八云水牯牛辨  
得別第九云三十棒一棒也較不得別第十云氣急  
殺人別第十一云紙灰飛作白蝴蝶別第十二云看  
取五陵公子別第十三云壓紐者且置臨常山襲代  
誰是其人別第十四云莫敎帶累老僧別第十五云  
不妨仔細別第十六云第二杓惡水便不堪也別第  
十七云敗別第十八云不勞久立誰復謝云不因和  
尚爭見汾陽師大笑

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

撰述

僧問阿羅漢結習已盡爲甚麼却被火燒一僧云燒取舍利一僧云劫灰未滿一僧云南嶽遊山三人同質于師師云各與二十杖杖因請師下語師云我沒閒工夫

問五位君臣自曹山始否師云臣奉君子順父寶鏡先之洞山立五位王子分內紹外紹僧問九峰承古有言內紹則王種外紹則臣種王種臣種君臣五位宛然矣固知五位君臣不自曹山始也曹山妙德尊寰宇五段就話答話不配正偏五位今以妙德尊寰宇五則列爲五位君臣者未深審耳

問無盡謂德山洞山垂手處殺活不同是有見否師云托鉢公案無盡一生咬嚼不破巖頭一拶信知句裏藏鋒至德山低頭歸方丈雪峰低頭歸庵恁般垂手處無盡總未見得徒將德山棒臨濟喝扭做一團自謂宗門眼正殊不知德山洞山同出石頭總名曰互不是箇公大難承當一個牽犁一個拽耙同耶異耶無盡見他古人道洞山下則可德山下未肯相許被他古人熱瞞矣

周子來居士問如來現今成佛否師云不成佛士云一切衆生成佛否師云成佛士云和尚作麼生師云

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

老僧不在裏許

僧問人天眼目以人境照用配五位今人謂非明安語是否師云人境照用是四句五位是五句原不必配若在過量人分中橫拈壁弄無所不可郢陽格外提持故雜錄中有此一節特表兼中到一位最尊最貴不落諸家前四位不妨配四句耳謂古人有定法耶

吳岱觀居士問如何是君師云佛事門中不捨一法又問如何是臣師云實際理地不受一座

僧問十方無碧落四面亦無門任運騰騰爲甚麼大

悲般前一片地踏不着師云理合如是

問參學人貴圖見性然見性後釋迦彌勒猶是他奴卽今爲甚向奴禮拜師云還我主人公來

問現前一心本具千法如何是一心師云苔蓀枯問真常獨露徧界難藏試道個真常看師云今日不向你道

室中垂問云雁過長空影沉寒水水無留雁之意雁無遺影之心是明空一邊事是明色一邊事自代云兩眼對兩眼

又問樹彤葉落秋滿霜林還有不壞者麼且道承誰

恩力自代云土地公公  
又問古人道東山水上行七十二峰爲甚麼苕溪不  
渡自代云正好疑着  
室中垂問云佛之一字吾不喜聞爲甚那由他劫承  
事供養無空過者自云寶譬如來當面大衆作麼生  
避他

問寶蓮香比丘尼現入地獄爲甚七佛偈都說罪福  
皆空畢竟順行的是逆行的是自云是則龍女成佛  
非則善星墮陷要知此事須問曹山

問不許夜行投明須到有作候白候黑有作猴白猴  
黑還是候不是猴不是自云一總不是  
問泥牛吼月木馬嘶風爲甚石獅子終日呆椿椿不  
曾見他作舞自云燈籠緣壁上天台撞着劉郎阮郎  
嫌他不唧噥哩

問護生須用殺殺盡始安居爲甚老僧婆婆和和要  
做放生會自云生殺總在和尚又云性命在别人手  
裏

問開化亭邊潮神惡發攬得千金池上魚龍一夜不  
安土地公公向老僧討個護身符子老僧與他即是  
不與他即是自云雲溪拄杖大沒主張也不合隨他

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

起倒

問橋流水不流觀音橋順流而去直走到北海岸邊爲甚守關人不報自云一人傳虛千人傳實

問黃鶴樓崔顥題詩千佛名經有個節目休文八詠還許作話頭領會也無自云某甲早來拈韻却忘了

一東二冬

問林處士梅花移植在西溪左側冷澹異常幾時得黃梅菓熟自云杏花村轉灣落北

問虎跑泉最是清涼爲甚善飲的人不除口齒之疾莫不是古澗寒泉不從口入麼自云趙州老漢若是

到來某甲也只扣齒三下

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

雲溪偃亭挺禪師語錄卷之七

弟子性廣編  
智育

勘辯

澗梅止一侍立次師幕間澗梅云趙州庭前柏樹子  
意旨如何梅云祖師西來意師云罷侗禪和次問止  
一云覺鐵嘴云先師無此語還明趙州意否止云若  
不明趙州意爭解恁麼道師云倚牆傍壁  
舉十方薄伽梵一路涅槃門話問衆云這僧問處是  
同乾峰雲門答處是異且道二老漢還有差別也無

一僧云兩個老漢也只荅得一半師云你又作麼生  
僧一喝師云莫亂統

舉乾峰雲門薄伽梵話師云一個解牧不解放一個  
解放不解牧語未竟澗梅幕問云和尚道得麼師云  
放汝三十棒梅禮拜起復云畢竟不牧不放一句作  
麼生道師云嶺上梅傳春信早溪邊雲染夜光寒你  
續下句梅禮謝

舉風穴在郢州衙內話問侍者止一云當時你作盧  
陂待他道却嗟蛙步輾泥沙便作麼生止云向道和  
尚是甚麼心行師云穴便打又作麼生止云和尚慣  
得其便師云穴又打作麼生止云當時禮拜了便出  
師云這有頭無尾漢

舉南泉與歸宗麻谷禮忠國師話問止一云不得向  
圓相中坐不得作女人拜你當時作麼生止云當時  
抹郤圓相便回師云南泉忽來把住又作麼生止云  
當時好與一掌師云太麤生止云和尚又作麼生師  
云我當時但目同行云好意去禮國師合伴不着  
有僧自靈隱至師云飛來峰夜來倒卓撞碎冷泉亭  
驚殺了金沙灘前馬郎婦上座可曉得麼僧云怕沒  
有這般事師打云瞎漢僧云也不得草草師云一任

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

舉似諸方

講師至師云法師爲衆場力講云和尚何得尊已卑人師云老僧婆婆和和造了多少口業講云也要大家證明師云幾乎錯喚你作法師講云不敢師云作家那

居士參纔登岸師云蘆花飛兩岸秋月滿平陂何不道取一句士云驚鶩立雪非同色師云咬人矢概不是好狗士云郤請和尚道師云裏面坐了喫茶

僧自廬山來師云五老峰前好個消息上座在彼幾時僧云水簾洞邊經冬過夏師云東林西林幾人夢

遊不得還念彼中麼僧云和尚去時某甲提鞋擎杖師云去卽要去還有一人不肯行僧云情知和尚不輕舉足師云你作麼測量老僧

僧禮拜次師云見說上座受人鉢袋子是否僧云覲面相呈師云我正要覲面的借來看看僧云聾師打一掌云鉢袋破了也羞也不識僧無語師云恁地可憐

僧問毛吞巨象卽不問如何是芥內須彌師云薺薇穿蛱蝶進云恁麼則龍袖拂開全體現也師云且莫詐明頭僧禮拜師喝退

僧問曹溪話月雲門指月如何是真月師云老僧粗識好惡僧云卽如雲巖鑒掃意旨如何師云還要第二杓惡水那僧云作家宗師師云不勞讚歎

僧問塗毒鼓鼙人不聞請師別行一路師便打進云棒頭有眼不得草草打人師連打兩棒進云今日也知令不虛行師云不是患鼙祇是患瞎

僧問語嘿涉離微去此二途請師速道師云泥龍踏破洲前月玉鳥啣將嶺上花僧禮拜師云且去

居士問煉石補天劫火洞然還壞不壞師云問取封后先生士云太極未分前且這一着從何安立師云

畫蛇添足了也士云有語的顯個無語的何不大家合取師云你啞卽甘爭教他人無口

放生次問僧放却多少了也僧云十萬八千師打一掌云是你恁般躲閃

僧問離四句絕百非請和尚道取一句師云跛鰲出頭來僧云情知師云猛虎不食伏肉僧一喝師云好喝太多生僧拂袖出師不顧

止一問燒木佛話師云當時你作院主待作麼生止云某甲便同伊向火去師云也合鬚眉墮落少頃伊人入師問云適來侍者問燒木佛話你當時若作院

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

主待作麼生伊云再拿兩尊燒也得師云也合鬚看  
墮落澗梅聞舉云二公被丹霞轉了也師云也合鬚  
看墮落

問止一侍者云洛浦道先師有言目前無法意在目  
前不是目前法非耳目之所到那句是實那句是主  
汝作麼生會者云到卽不點點卽不到師云懶惰禪  
和如麻似粟者云和尚又作麼生師云我與古人有  
甚讐隙

澗梅問百丈一哭一笑是同是別師云少賣弄梅隨  
呈一偈云哭時也好笑時也好四面觀音一齊放倒

師葛豎拳云這個聾進云也須放倒師云孟八郎漢  
室中舉離四句絕百非話伊人着語云自從勘破伊  
人後直至如今不見踪師云是誰勘破進云不識師  
云死漢三十棒自領去

樹羅呈國師勘大耳三藏頌師云囫圠吞棗子有甚  
用處當時大耳三藏不但第三度不見國師前兩度  
早被國師瞞郤了也樹蹻躍作禮師云上座莫被國  
師瞞

僧參禮拜起便喝師云成羣逐隊野狐精僧又喝師  
云連喝兩喝待如何僧拂袖出師云敗也敗也

僧參入門便喝師便打僧又喝師云三喝四喝後作麼生僧無語師又打

入室次師指一僧云道道僧便喝師云錯僧又喝師云錯錯僧又喝師云李靖三兄久經行陣僧禮拜師便打

僧參師問那裏來僧云臨平來師云臨平湖石鼓在否僧云在師云容老僧擊鼓作聲麼僧擬議師便打一掌云問了好打

僧參師云那裏來僧云顯聖來師云在彼中多少時僧云一年一度師打云好好問你不實說僧云也知

和尚有此一機師不管

入室次僧打一圓相托呈了後禮拜師云那裏來這虛頭僧退身三步依位立師云還要弄一出僧展具三拜出去師云打須打會禪漢

僧到師云那裏曾相見來僧云靈山一別師攔胸攜住云速道速道僧無語師云原來是個喧糟酒的侍者渟泉入室次師云本來面目你作麼生者震聲一喝師直打出次早復入師方舉棒者有省退呈偈云本來無久亦無餘驀地相逢識得渠千里歸來呈舊面剝竿頭上現全威師不許

侍者渟泉同泛師偶指岸邊枯柳詰之者繞樹一匝  
刺舟而去師作色大詬者云恩大難酬師不顧  
翫月次侍者渟泉請益三玄三要話師云嘉州大象  
作麼生者云玉兔走銀河師云陝府鍊牛作麼生者  
云廣寒飛桂魄師云西河師子作麼生者云今夜水  
晶盤師作一圓相云怎出不得者個圈子疊者展兩  
手作禮三拜師休去

侍者千筠入室次師云你作麼生者云入地無門上  
天無路師云何不休去歇去者禮拜師云要見本來  
面目麼者求示師云這驢前馬後漢

師偶對客語黑白未分話侍者千筠點胸作舞師云  
汝會耶者搖曳而起師一喝

僧橫趨而過竟出師召閻黎僧亦不顧師云老僧今  
日失利雖然如此爭敢作死馬醫至晚僧却具威儀  
三禮師云早來公案未圓閻黎何不道取一句僧云  
勘破了也師云得恁般穩密麼僧出師云三十年後  
此話大行

師揮扇次僧過師問犀牛扇子作麼生僧云今日熱  
似昨日師便打

樹羅問雲月是同爲甚溪山各異師云爭怪得老僧

9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

僧云天上有星皆拱北人間無水不朝東師云東家  
杓柄長西家杓柄短僧云用曹溪眼作麼師云瞎僧  
云和尚大似持鉢不得詐道不餓師云老僧罪過僧  
云恁麼則學人禮拜去也師云還我曹溪眼來僧一  
喝師云一任跨跳僧無語師云且過一邊  
僧纔出擬問師云嘴唇缺了半邊還擬問甚麼話僧  
一喝師云收僧云會得了也師云雲門拄杖子與龐  
居士策籬鬪額驚動了伐折羅大將正沒解交你作  
麼生會僧擬議師打趕出

問大悲千手眼那一個是正眼師云天外孤飛白鶴

來僧擬對師云那一個是正眼速道速道僧無語師  
云失卻問頭

僧禮拜起云抱璞投師請師一接師云寒花飛玉浪  
古樹晃珠簾爲甚麼却被子規啼徹僧佇思師云過  
去久矣

僧問明明百草頭明明祖師意和尚也不得瞞人師  
云口無毛聲聳聳尻益高一先二蕭三肴四豪僧云  
也知和尚慣得其便師云爭奈老僧何僧禮拜師云  
老僧被你瞞

僧問如何是意在目前師云應夢大吉僧云作麼生

理會師云又道意在目前僧禮拜師云三千里外莫  
室中問僧云趙州道個無字你作麼生僧云學人不

會師云捏緊話頭

入室次侍者止一纏入師攔胸擋住云生從何來死  
從何去者擬對師拓開云何不向這裏去者一跌起  
大笑師云道取一句看者云青梅落地師云且去明  
日來次早者八禮拜師云生死句被汝勘破了麼者  
云某甲不會誑語師云大有人不肯你在者禮拜出  
僧入師云牛過窓櫺爲甚麼尾巴過不得僧云某甲

好端端坐在堂裏師云情知你走不脫僧云和尚又  
作麼生師揮手作趕牛勢云這畜生快走僧擺首趨  
出云去也去也

僧入師云你早晨洗臉摸着鼻頭麼僧云摸着師云  
莫便是本來面目麼僧無語師云鈍漢僧云某甲不  
敢自瞞師云好好你還老寔

僧入師云趙州在你腳底下你畢竟信得及麼僧未  
及對師云昨夜禪堂內被我一香板打殺了也僧云  
三千里外供養和尚師云還有一頌你且聽着趙州  
無趙州無公子停鑄唱鶼鶼桃花二月春風好畫船

日日泛西湖僧禮拜師云去

僧入師云本來面目你還會見也無僧云見師指拄杖云這個喚做甚麼僧云拄杖子師云原來不會見僧請示師云錯過了也僧點首出

僧問如何是啐啄同時失師云去你不會我語僧擬議師薦面打云鈍漢僧云啐啄了也師云失

師入堂問僧云工夫做到甚麼去處僧云求和尚開示師云你話頭親切也無僧擬對師云遠在

問僧云你在家裏種得多少菜僧云不知多少師云還下多少瓜秧僧無語師云囫圞東瓜

問僧云得力處何不道取一句僧云料得少人知師云不得力僧禮拜師喝退

問僧云如何是本來面目僧云初參師云可悲可涕問僧云父母未生前道取一句僧禮拜云求和尚慈悲師打云向這一棒會取入室次僧禮拜起師云你還疑麼僧云疑師云好好直恁疑去疑他三十年僧出師召回云要見主人公麼僧云要見師云看桃花去

僧問啐啄同時是否師云是僧云某甲啐請師啄師厲聲云羞也不識僧退頃復入云我會也我會也師

更與一掌僧作舞出

巡香畢一僧端坐不起師打一下震聲一喝云不啣  
噏漢竟出僧拍掌下禪床

僧請益本來面目師望空一指云何不薦取又僧請  
益師云剔起眉毛丈二長又僧請益師彈拂子一下  
僧立參次師打僧一下僧云某甲正做工夫卻被和  
尚一下師云羞也不識似這等做工夫驢年去在僧  
求示師云錯過了也水潦和尚被馬祖一踏起來呵  
呵大笑云百千妙義無量法門向一毫頭下識取良  
馬見鞭影而馳一棒一喝立地殼去尚隔津在似你

這般驢漢閉眉合眼當作做工夫有甚了期有甚交  
涉罷罷你不是這等人也莫怪你  
僧坐香師打一下僧云某甲不曾妄想師連打云好  
個不曾妄想僧求示師云現祇對的是妄想不是妄  
想僧禮謝

又一僧坐香師打一下僧云某甲不曾昏沉師云正  
瞌睡裏

問僧云進堂來見個甚麼僧云萬里絕烽烟師云如  
何領受僧云鐵蛇蟠古路師云這是現成句子古人  
道一念萬年全未夢見你又作麼生僧退身而立師

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

云去

問僧云本來面目你作麼生僧云却請和尚道師一  
喝遂打一下僧禮拜退師復云畢竟如何是你本來  
面目僧震聲一喝師云死漢

師入堂問僧云洞山掇退菓桌是個甚麼意思僧云  
洞山和尚慣得其便師打云是不是且要問你畢竟  
過在甚麼處僧云萬里無雲天有過師云越發不  
是了僧云某甲從來不打妄想師連棒打退

問僧云我有一句子分付你你還信麼僧云不信師  
打云爲何不信僧云和尚說話齒不關風師打云這

薄福漢僧云打卽任打信卽不信師又打

問僧云臨濟四喝你昨日向我一喝是那一喝僧禮  
拜師云這野狐精

問僧云趙州在你腳底下你還信得及麼僧無語師  
云你昨日頓一足喝一喝是個甚麼意思去你未有  
棒喫在

又問僧云前日見你五位頌子像有來由及乎問你  
堂奧中事爲甚不清不楚僧云未到雲溪許多七珍  
八寶及到雲溪未免喟嘆塞斷師云果然果然僧  
參師云萬法歸一一歸何處聲僧禮拜起歸位師

云老僧這一箇鞋五百貫錢估得的  
新到僧參師云汝是新到僧云如何是某甲本來面  
目聾師一喝

僧參師云堂中事作麼生僧云虛空未免係驢橛師  
云這是堂外的僧云夜深鴻雁宿蘆花切忌妄通消息  
師喝出

僧參師云有句無句如藤倚樹樹倒藤枯句歸何處  
僧云問他怎的師云卽今道一句看僧一喝師便打  
僧參師云未開口以前早錯了也且別轉一機來僧  
轉身一下師云錯錯僧禮拜師云我不欺汝

僧禮拜起師云一歸何處聾僧無語師喝出

僧參師云今日老僧耳聾切忌胡喝亂喝末後一句  
直捷道來僧云住住師云上座莫不親到牢關了麼  
僧轉身退出一步師打云這一棒也省不得

僧參師云參禪須是鐵漢着手胸前便判上座僧判  
麼僧一喝師打云果然未判

僧參師云大唐國裏走一遭原來只是蘆花灘裏僧  
遞云再請道一句來師打云瞎漢亂做

僧參師云老僧一兩鞋你作麼生會僧云求和尚開  
示師云爭怪得趙州僧禮拜師云這韁臭布衫幾時

脫下

僧參師云前日老僧與你一喝曾知這一喝的落處  
麼僧擬進語師云莫教錯認老僧  
僧參師云直饒絕點純清猶是真常流注上座到這  
裏作麼生會僧云百尺枯椿開錦萼師云莫便是隨  
流入妙了麼僧云不敢違背一切師云驢胎馬腹中  
切須仔細

僧禮拜起一喝師便打僧又喝師又打僧又喝師又  
打僧指旁僧云因你帶累于我師大笑

僧禮拜起師云杜口罷耶掩室摩竭這也不須提起

了他時異日何以爲人僧應喏喏師云未免妄通消息了也僧禮三拜

僧入師云轉身一句是處優游若也把纜放船爭解  
逆風使舵且要問你克賓維那何以被興化擯出僧  
擬荅師云法戰不勝莫怪老僧

僧入師云出言吐氣須辨來由鹵莽當前頭破腦裂  
個裏不是兒戲僧無語師云得力處何不道取僧云  
向和尚拂子頭上一轉了也師云亂統僧禮拜師云  
努力加餐

僧入師云敗荷衰柳處處逢渠青山白雲時時助喜

爲甚麼再尋不見聾僧無語師云呀錯過了也

僧入師云虎生三日便已食牛說甚麼老參宿學盡力道不得的句子何不舉似老僧僧無語師云早被那鼻頭扼塞了也去

僧禮拜起云某甲拜倒太山土地師呵呵大笑云前日老僧被你一喝僧云冒犯尊嚴師云記取三十棒僧入師云披毛戴角始向異類中行爲甚麼却名尊貴僧禮拜起云恩大難酬師云還知玉殿苔生麼僧云某甲不離和尚左右師云老僧變驥馬去也僧再拜珍重而出

雲溪恨亭挺禪師語錄卷之八

弟子元顥  
智樞編

開示

示千筠侍者汝婺州人婺州善慧大士出身處菩薩應現蓋是尋常汝昨日向我道曾夢見世尊陞座天龍八部圍圍圍繞這也不爲奇特非但是夢卽今釋迦老子與百萬人天向汝面前森森而立閉眼合眼不會背他在汝分中還信得及麼須知釋迦老子卽是千筠千筠卽是門外一叢竹文殊普賢是甚麼露

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

柱刹竿迦葉阿難是甚麼磚頭土塊直下信得及灑  
灑落落做個無事丈夫若信不及須把本參急急提  
持尋個下落尋來尋去尋到沒理會處沒商量處癡  
癡呆呆這裏解交不得你平日疑情不切將一句本  
參丟在腦後如今鑒起脊梁把話頭放在面前如鷄  
抱卵一七不了準備二七二七不了準備三七將他  
念詩章做學問一副開肚腸總只拶在話頭上懸崖  
峭壁直下去不得時翻身一跌卻纔有許多受用俱  
胝和尚逢人但伸一指頭喚做一指頭禪後童子也  
學他伸一指頭遂被這老漢一刀斷卻一樣的伸個

指頭爲甚俱胝便是童子便不是這指頭上畢竟還  
有佛法也無又西園燒浴僧問次西園撫掌曹山云  
一般擎拳撫掌就中西園甚奇怪俱胝一指頭只爲  
承當處不的且要問你俱胝負墮在甚麼處初機淺  
學分付伊緩緩商量雙林大士和那俱胝長老總是  
你金華人趁口快一時舉起你昨日還說甚麼囈語  
遏蒲曇遏蒲曇夢中說夢業識茫茫這不是你本來  
面目請向父母未生前好生會取去

示淳泉侍者你六七年前見過天界老和尚來參父  
母未生前本來面目話蹉跎過了日子古人道

大疑大悟小疑小悟不疑不悟提起一句話頭如熟石頭上蟻子來不得去不得左不是右不是疑情勃發性命交關一不做二不休要與他倒斷一回討個落處不是浮逼逼地模糊籠侗苟且支吾杜撰解說的如今人見說父母未生便向出胎入胎一生兩生牽枝引蔓早是錯了饒你隔生又隔生直窮到莊嚴劫前總是父母已生事又有的引經引論說天地同根萬物一體牆壁瓦礫總證真如大地山川本來般若說便恁般說且要問你香臺是一種面目狗子是一種面目古人擊香臺又擊狗子爲甚狗子便會走

去香臺不會走去又有一種狂慧之徒自己全不穩當一味隨人脚跟見他古人道你無面目便依稀領會道我悟了我悟了從本以來了無一物可得淨裸赤洒洒本是無面目的恁般見解正是落空亡的外道生無想天爲魔眷屬喚作參禪學道得麼你如今緊緊提持一個詰頭不得鹵莽承當不得支離解會心問口口問心父母未生前畢竟如何是你本來面目挨來挨去冷灰裏爆出荳來通身一場慶快學道之人以悟爲則一肚皮學問做得好詩寫得好字總是敵不得生死的剔起眉毛去看詰頭第一要疑

情切

示蘧菴寺主  
蘧菴寺主住個小院子柴沒一莖米沒一粒平日的孤迥迥峭巍巍氣岸高人憑他釋迦老子到來也只與你平分半座如今硬着脊骨束起肚皮向折腳鐺下煮出個半生半熟的古怪東西舉似諸方咬嚼不破也不枉多年參學一片苦心若也閻門自大唐喪時光水也消不得一口更或脚跟不穩起倒由人耐不得孤貧受不過冷落百鍊剛化爲繞指柔辜負自家不少勉之勉之老僧不敢辜負於汝示行人你諸人運水搬柴各各努力不是參學在一

邊作務又在一邊的但只二六時中尋常照管各各有個本參提一句話頭的是本參念一句阿彌陀佛也是本參雲門老和尚教人參念佛的是誰且念且參且參且念有禪有淨土猶如戴角虎母論鈍根利根皆可成就你們不要說我不識字我智慧淺薄成佛是沒我分的六祖大師始初也不會識字祇聽人誦金剛經於一句子下便得開悟後來許多大善知識如鴻山充典座雪峰做飯頭化米化炭無非入道因緣擇菜貨春總是當人機殼你們一面行苦行一面提着本參瓜熟蒂落水到渠成畢竟有個成佛的

時節不要自家退屈了高沙彌是不曾受比丘戒的  
甘贊行者是不會剃頭的還有栽松道者紙衣道者  
都是一班行人個個名在傳燈人人位齊佛祖彼丈  
夫也我丈夫也有甚麼不如他法華經上常不輕菩  
薩每對人說汝等皆當作佛我不敢輕于汝等法華  
經是佛口親說的你們還信不及麼若信不及五千  
退席盡是增上慢人若信得及時五百弟子授記成  
佛有分

示端玉首座教中有後得智宗門有差別智不明差  
別難以爲人古人道大事未明如喪考妣大事旣明

如喪考妣且道大事旣明爲甚麼如喪考妣水邊林  
下長養聖胎不是教你光景苗連空過日子的首座  
鐵錚錚一副骨頭冬不鑪夏不扇向孤峰頂上壁立  
千尋且喜道風高秀尋常見首座說佛法弄伽佗扯  
些木馬泥牛添上之乎者也一期拈弄頗得自由然  
尚有不懶老僧意處五家旨趣各各不同惟我洞上  
一宗最爲綿密如今人說着堂奧中事一總不知如  
何是父子如何是君臣如何是功勳如何是王子如  
何是功就位如何是位就功如何是功勳如何是明中暗如何是  
主中賓如何是濁中清如何是同中異自真歇了祖

宏智覺祖而後五六百年古今多少詣訛無人辯定  
首座紹述先宗不當容易要明他石霜首座何以不  
曾夢見先師洛浦首座何以不能劃開賓主洞山首  
座何以不得菓子喫且洞山掇退菓桌五位中合在  
那一位收九峰首座全嗣石霜那個是外紹那個是  
內紹洛浦首座和他彥從畢竟會洛浦意不會洛浦  
意當時洛浦好個赤稍鯉魚在臨濟門頭頗明得個  
賓主句從入夾山不免被伊捉倒須知藥山宗旨不  
是等閒從上以來說個石頭路滑如今人見說瞎驢  
滅却未免驚天動地推他末後全提大用現前不存

軌則保壽開堂興化擴克賓也只是隨邪逐惡德山  
末後句雪峰鰲山成道巖頭說細大法門明眼人前  
不勞頻舉旣稱曹洞兒孫家裏人須要說家裏話看  
他丹霞投子有拈有頌着着分明也只明得個石頭  
回互句子且要問你雪竇天童一總出自石頭爲甚  
麼雪竇用强天童用弱雪竇棒頭有眼扶豎他德山  
門風丹霞投子暨及天童句裏藏鋒單表得尊貴一  
路然雖如此理無一向有時拖刀轉勝血淋淋斬落  
人頭有時掘地深埋暗騰騰掀翻鼻孔風穴維那被  
伊華嚴和尚熱喘無位真人遭他欽山長老播弄如

今人不具眼目生生說定上座勝他欽山廓侍者勝  
他華嚴首座看看還知他兩家法門各有差別否古  
人建立宗旨忒煞諸訛千七百則公案信手拈來須  
有個定盤星輕重還他動兩不是隨風倒舵人說長  
我說長人說短我說短的首座十二分力量十二分  
聰明山居詩三十首清新奧折字字不猶人前空作  
者據老僧見處以後不須做詩但將做詩的心思做  
詩的時日一總在差別上逐毫逐釐細細剖判將來  
多少奇特多少受用將此深心奉塵刹是則名爲報  
佛恩珍重珍重

示碧澗禪者趁色力強健着些精彩一挨直入不可  
參黃楊樹禪今日也只如此明日也只如此你尋常  
說禪說教口巴巴的到雲溪來把這一擔骨董直沉  
在那邊更那邊一切都莫思量都莫理會且將生死  
二字緊按在胸前咬定一句話頭擣命不肯放必然  
有個透脫的時節直得七穿八穴觸處現前雲溪與  
你說老婆禪不爲分外此事不當容易古人三登报  
子九上洞山也只爲自己放不過尋常向光影門頭  
倚牆傍壁總沒相干總敵不得生死的須要豎起脊  
梁扎掙扎掙果然四稜着地覲面承當一切時一切

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

按述

傳奇錄卷八

處便一點兒動你不得到那時節還有向上一路老僧未肯點頭在切記切記

示靈昱沙彌出家乃大丈夫事非公侯將相所能爲汝今出家便須灑灑落落作一個出三界的脫體丈夫精嚴戒律敬慎威儀站定脚跟堅起脊骨究明此一大事因緣續佛慧命是則名爲真出家也昔日丹霞和尚一見馬祖便騎聖僧而坐後聞刻草之示胡跪求剃落者便是出家卽悟道的一箇樣子又高沙彌在藥山會中與雲巖道吾打鼓打皮互相唱和者便是沙彌能悟道的一箇樣子看他古人何等奇特

須是有出格的志趣便有出格的展舒出格的受用勉之勉之更聽一偈黃花翠竹古生涯野鶴雲巢別有家可是侍從身十七西天遺得舊袈裟

示朱介眉毘耶離國有一段現成公案流傳下來傳

大士龐道玄陳操尚書張拙秀才楊翰林李都尉一夥俗人也喚做祖禰不了介眉居士具大聰明發大勇猛將一箇居士法門一千二百觔擔子一肩挑起入雲溪這裏已過一年費了許多鹽醬如今教也依通得禪也解說得前日我有三箇問頭他下語也頗相似只是未能雙手托開通身慶快我還有句話兒

要同你商量商量卽如維摩會上當初諸大菩薩與他淨名長者說的說嘿的嘿還是說的是嘿的是若到雲溪開口也與他三十棒合口也與他三十棒居士還甘麼師資道遇不是等閒覲面當場切莫錯過直教橫來豎去這邊那邊三世諸佛從上祖師天下老和尚一齊奈何不得那時節道冠儒履釋袈裟坐師子座前喫香積飯傳持他淨名法門也不爲分外也雖然雖然雲溪還有一關在

荅吳錦雯縛也由你解也由你熱鬧場裏這好光景也只尋常居士是看得破的隨意自在早早抽身莫

被他擔誤好

荅戴慎菴治世語言資生產業皆與實相不相違背且問非非想天幾人退位居士日用應緣珠裏走盤盤裏走珠省力處便是得力處信得及站得定十二時中同他往來只是不跟他起倒古人喚做作得主人口間浩浩時作得主夜間睡夢中作得主還要問你正睡着時無夢無想時主人公在甚麼處居士是大聰明人一切處瞞你不得尋常向我道麤重境界一槩是動你不得的又常說夢中閱歷了了分明不似他人昏擾擾地約莫是八九分作得主了居士看

看畢竟爲居士作主者是甚麼人還只這個便是居士本命元辰還離這個另有甚的本來面目古人道學道之人不識真只爲從前認識神無量劫來生死本癡人喚作本來人這作得主的莫祇是識神麼識神是賊爲甚麼認賊作子若離此作得主的更覓甚的本來面目又是騎牛覓牛迷頭認影離不得卽不得不取不得捨不得居士若取次承當全弄精魂一點不得自在要從他無夢無想高峰枕子落地時討個分曉與古人把手同行百草頭邊吐氣毘盧頂上翻身丘陵坑坎全是釋迦老子眼睛轉動施爲莫非金身

栗如來鼻孔作主也由你不作主也由你如今養個露地白牛放亦不去是甚麼人境界未後一着始到牢關絕後再甦欺君不得卽如高峰道百年三萬六千場反覆原來是這漢已較勘到九分九釐了爲甚麼這一毫頭還去不得這事非同小可不當容易的急着精彩拚命一回要個十分透脫居士居士無夢無想還我主人公來撞着睦州那怕他問個非非想天幾人退位

荅陳天祐尊德性道問學說頓說漸一總不離這個陽明龍溪盡力發揮個無知之知且道無知之知是

這個不是這個尋常說個威音王以前却總不薦若說父母未生前面目便去東卜西卜胡猜亂猜向不落胚胎時會取直饒你走上兜率天宮撞着釋迦老子扭做一塊奉做一團要見他本來面目也太遠在何況驢胎馬腹千生萬生都來是弄精魂認奴作郎有甚限量這裏要薦便薦直下認得也不離先儒道觀未發氣象居士平常作麼生觀莫是優優閒閒減盡一切見聞覺知是未發氣象麼莫是死灰槁木當下入無想定生無想天是未發氣象麼莫是遏捺遏捺一切處制心不起如隔日瘧是未發氣象麼莫是

一念萬年冷湫湫地一條白練是未發氣象麼且喜沒交涉如今提個話頭與觀未發氣象無二無別且要問你未發時是何等氣象未發氣象作麼生觀觀來觀去直觀到威音以前那時有氣象沒氣象有消息沒消息了了自知不着從人更問本來面目觸着磕着燈籠也是露柱也是牛頭也是馬面也是未發氣象桃花也是李花也是橫來也是豎去也是儒也是佛也是你也是我也是行也是住也是坐也是臥也是居士這裏還信得及麼若信得及不負貧道婆婆和和若信不及老僧不敢相賺

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

荅周敷文叅禪須知時節病時下手却與平日不同  
平日須做死工夫病時要得活受用先師翁散木老  
人每每教人放下着頭目腦髓妻子奴僕放下着山  
河大地宅舍田園放下着生老病死成住壞空放下  
着毀譽得失恩怨是非放下着伊周事業李郭聲名  
班馬文章曹劉詩賦放下着孔顏樂處曾閑念頭放  
下着楊李門風蘇黃家法放下着禪道佛法悟與不  
悟會與不會放下着放下着仔細看將起來空澇澇  
放不下的甚麼盤脫丘一齊放到東洋大海裏去  
灑灑落落做一員無事道人憑他病也得好也得迷

也得悟也得飽齁齁睡他一覺抹開眼睛原來舌頭  
只在口裏這便是叅禪捷徑治病良方切切與汝道  
破

荅周敷文此事不當容易走一步方見一步休去歇  
去令湫湫地去一念萬年去古廟裏香爐去一條白  
練去古人喚做一色邊事一色是純清絕點初機學  
道人也不容易到這田地但須知有轉身一路古人  
道莫守寒巖異草青坐斷白雲宗不妙死水不藏龍  
正謂此耳張拙證道偈謂一念不生全體現六根纔  
動被雲遮說得十分親切須知生而無生不是無生

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

而說無生若只內守悠閒落在無事甲裏如隔日瘡  
未爲無病喚作一色且不是他八識田中印成個清  
淨境界撥置一切以爲高也敷文病中塵勞暫息遂  
謂一念不生又恐死水淹殺見卵思炙亦太早計古  
人道百尺竿頭須求進步爲他得入的人急轉一篙  
不容坐住坐着則墮坑落塹矣敷文試回光返照果  
得一念萬年冷湫湫地如石霜首座燃起香來脫得  
去否果得內外純清絕鮮瑕垢秋空片月萬里無雲  
如雪峰做飯頭時砂米一齊去否誠然如此許你得  
到半途須知有百尺竿頭進步一着若祇是塵勞暫

息終有起時與他一念不生尚隔遠在古人得手後  
水邊林下長養聖胎或向異類中行入水入泥自由  
自在理須頓悟事以漸除譬諸牧牛切忌犯他國王  
水草四十年打成一片除二時粥飯無雜用心此是  
何等操持何等行履學道如鑽火逢烟漫罷休直待  
金星現歸家始到頭勉之而已楊翰林李駙馬後西  
江逆流寥寥絕響敷文因病得閒直請問到家消息  
吾助汝喜何日入山豎起脊梁盤桓幾月此中閱歷  
吟煖自知入佛入魔一總去得萬象之中獨露身說  
甚麼撥不撥聲古人道如何是活水龍興波不作浪

又道忽遇傾湫倒獄時如何切莫打濕了老僧袈裟  
角參

復朱介眉掩關靜息暫避塵勞於此勒定韁繩一年  
兩年自與世情漸遠身子將息到八九分便可學道  
了也楞嚴云縱離一切見聞覺知內守悠閒猶是法  
塵分別影事若謂寂滅現前便千里萬里矣這悠悠  
閒閒的全是生滅種子來扎云靜中一念不生非有  
非無非白非黑非定非動正內守悠閒時也然不能  
久旋卽識情流轉須知介眉正當靜時正當一念不  
生時早只識情流轉豈待流轉然後爲流轉耶如隔

日瘡發時病瘡不發時也病瘡終不謂之無病這識  
情須是倒斷一回的淨名云識情斷者花不着也他  
寂滅現前的人覓識情起處了不可得這裏做禪定  
工夫譬之磨磚作鏡從此做去縱饒打滅得來也只  
靜沉死水况內獮猴外獮猴自相叫喚彌勒下生且  
未能打滅耶關中內不放出外不放入將一千七百  
則內揀一則咬嚼不破的猛可參尋也不要管他有  
無也不要管他黑白也不要管他動定將此一念不  
生的全身靠倒總只在一句話頭上轉個身來倒斷  
一回那時不着再問了介眉自謂根性超越於古人

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

言句一切解會得去不起疑情請問這條起條減的  
是一箇是兩箇是介着不是介着是生死不是生死  
捉賊見贓萬萬不可放鬆了他正當識情起時攔腰  
捉住一刀兩斷灑灑落落做個大自在人豈不快活  
須是十二分力量十二分勇猛十二分快便與他戰  
勝一回纔有少分相應悠悠閒閒一總不是了也敷  
文慧根人亦使共知此意因不入城不能過從左右  
一往搔着痒處不覺話長驀地點頭急走渚中白我  
又復朱介眉介眉三年前有個入處雲溪曾助汝喜  
非敢埋沒介眉謂介眉爲門外漢但此事須出一身

白汗大死一回方是識情倒斷方有相應非沾沾滯  
滯在模糊影響中討個禪定也雲溪二十年前破家  
作活猛力一回約莫與死人相近了仔細檢點有甚  
氣息一總不敢自瞞翻轉面皮從頭做起正介眉所  
謂揩磨習氣如今老大大尚未得力五更嘿坐一  
時全是毫不濟處然介眉靜坐卻有妄想雲溪靜坐  
卻不見有妄想個裏略是不同垂問諄諄故不敢不  
以誠實之言相爲告語高峰看一歸何處時已十有  
八九了及至無夢無想主人公推落枕子方得四稜  
牕地是下手耶是到家耶此事不當容易須是倒斷

了然後揩磨揩磨是保任事初終後末畧有程途所謂無功用中功用耳少林面壁另有節文幾多人謂達磨壁觀不免屈陷老胡豈淒淒渡江從新做禪定工夫踢海而來所爲何事世間有如此祖師耶魯祖面壁幾被旁人踢倒不得一例作三家村土地差排也一念萬年古人謂爲一色邊事坐脫立亡雖則有名尊貴然石霜首座且喜是家裏人他時異日介眉與他唱和一番多少是好盛暑調攝四大待炎威稍輯幸過雲溪重理前話待得西江逆流子靜船一時翻倒更不向騎牛老子覓甚枯椿也何如何如

送誰庵道人遊天台云五宗相傳千載至我師翁湛然和尚掘起會稽之雲門唱出新豐一曲嗣法者爲明因寶壽東山弁山及先師愚庵老人後先稱盛誰庵道人與余幼爲兄弟竝脫白參愚庵老人余先承記荊而誰庵亦復投機蓋同受先師法乳也余雜落後誰庵尚畱笊籬而先師已化去誰庵復入天都黃山從雷機長老剃度一時桶底打脫雷機蓋番光和尚嫡子嗣法弁山與愚庵全師乃知法會因緣繩繩不爽過河渚問法余與一掌誰庵直下領受及再過余適垂問十八則誰庵一一具答機辯縱橫宗猷共

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

逞太陽直掇自有傳人知誰庵爲洞山嫡系矣誰庵今名德龍本名折姓陸氏字麗京爲錢唐高士初生之夕宛如成人猶憶往事蓋夙因不昧也別余走天台赴琮公石梁之約知是歇祖素心偈以送之并爲吾道志喜偈曰

天台之山有寒拾五百羅漢共出入文殊普賢重現身獨怪豐干爲饒舌錢唐誰庵誰氏子問道殷殷過河渚一棒一掌一條痕須信古人盡如此重來問答事宛然間似雲興答如雨我昔與汝師愚庵愚庵之先爲洞山洞山昔曾問龍山青山常往還君隱

天台非等閒寒山拾得遊此間

示佩如姪佩如汝般若緣深具大根性生婆羅門家敬信三寶墮地以來二十餘年曾不肉食又智慧早發遷官遷佛一擔擔承近者小小疾病當由無始執情所現易添煩惱煩惱無根種種不實從煩惱生病疾病更生煩惱如塵染塵展轉增長當思一個解脫法門勿爲彼轉他方苦薩問訊世尊亦云少病少惱如來金剛不壞之身當有何病如來歡喜無量當有何惱然頻頻說此者明娑婆世界惟此二種最爲患苦示衆生出離法也現前受用如空中花遇不如

意事勿生嗔恚遇可意事勿生貪着世間法有多少  
求不得的貪他作麼世間人有多少不如我的惱他  
作麼世間境界有多少脫離不去的厭苦他作麼世  
間情事有多少分疏不得的不耐煩他作麼煩惱到  
來但冷地思量誰當煩惱誰成煩惱疾病盛時但冷  
眼覲他誰爲疾病誰受疾病我此佩如圓陀陀活潑  
潑平平安安灑灑落落在無憂樹下清涼地中任運  
逍遙稱性度日一切疾病苦惱所不能及豈不快哉  
雲溪道者傳得個海上仙方一向不曾與你說得特  
地寫來服下一服百病消除參苓歸芍所不及也

雲溪很亭挺禪師語錄卷之九

弟子 智輝  
智珵編

舉古

愚庵老人問魯祖面壁意旨何如師云只爲老婆心  
切頌云遊絲歷歷事何如萬里寒江獨釣時夜靜月  
明人不管只今此意有誰知

舉國師三喚侍者話拈云荅在問處機絲宛然趙州  
道字雖不成文采已彰還是國師漏洩還是航源漏  
洩頌云打鼓弄琵琶嫌他不作家說的口快看的眼

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

花、

舉黃蘖慧問疎山剎那話拈云疎山嘿然甚好且待  
 這漢疑三十年可惜個多口阿師爲他道破我當時  
 若作矮師叔但喚首座向前一時擯出又着語云剎  
 那便去時如何多少伎倆富塞虛空作麼生去牽轉  
 頭來富塞虛空不如不去黠兒落節山嘿然疑殺旁  
 觀慧出泊合錯過第一座問汝適來祇對甚是奇特  
 太煞婆心慧請示老老大大一剎那間還容擬議也  
 無恁般惡口慧始悟肯鉢置殺人頌云疎山一嘿意  
 何如釣罷停船晒網時恰遇遊閒貴公子白魚搖尾

走江湖

舉女子出定話云好個七佛之師魔魅了也我當時  
 若見但向他瞿曇咳嗽一聲作舞而出頌云空庭無  
 事燕雙飛客夢深深戀馬蹄多謝主人情意切香烟  
 繚繞鬪芳菲

舉曹山孝滿話云稽中散不廢絲竹阮嗣宗良醞三  
 升似則似是則未是有者道南泉異類中行早是隔  
 林寫照了也還諦當麼頌云劉伶劉伶以酒爲名三  
 斗解渴五斗解醒淳于髡一石亦醉東方朔割肉歸  
 遺細君住住次公醒而狂何必醉也

舉臨濟兩堂首座話云刀刀易辨魚魯難分尋常道  
照用齊行多被這老漢瞞却了也頌云南山何異北  
山黑月卽是白月分明閻黎老僧幾乎打作兩橛  
舉臨濟會下二人同時設問話云是賊識賊是精識  
精臨濟終日口巴巴地被兩箇噇酒糟漢一時稗販  
去也舉向人前面皮厚多少頌云簫管維奏笙歌由  
庚耀靈朗夜繼以華燈四美具二難并

舉百丈耳聾黃蘖吐舌話云神頭鬼臉習以成風扶  
起砂盆祖禰不了可惜許三聖興化人人丈夫依樣  
描摸到底頌云克用本非李氏朱溫更名全忠五代

相襲爲帝殺人的是英雄

舉疎山壽增話云矮師叔使心用心臨末稍頭依舊  
倒廄一上若非羅山儘力相扶未免單絲不線我有一  
棒要打兩家頌云兔角丈三長龜毛一尺一一文  
兩文三文錢算來九九八十七

舉洞山過水話云更相陟依位住許多絡索開眼分  
明今日相逢祇這是也要知他正偏兼帶從上法門  
向渠我異同邊絲絲認取頌云自覺滄洲遠蓬壺別  
有天爛柯人不異羞更說神仙

舉殃崛產難話云大慧謂是金矢法諸方儘知只如

女子照影不照其餘是明甚麼邊事當時世尊金丹一粒方便多端可惜許只作個催生引子殃崛殃崛還知盡大地金石草木能救人身命麼頌云華陽道上一枯井勸君不必來照影可憐死人如亂麻堆積井邊骨頭冷

舉庄上喫油糍話云古德且置這庄主爭容得他腦後見腮莫通往來頌云勢敗奴欺主時衰鬼弄人庄上老狐出現門前五鬼來臨唵齒臨齒臨

舉華嚴廊侍者單刀直入話云月中擒玉兔日裏捉金烏守廊侍者風穴維那雙眼睜睜不免落他老華

嚴園績頌云門前白額正威寧室內蒼鷹敢越羣爭似老熊同出入垂垂牙爪不傷人

舉西園燒浴話云檠拳豎指多少差殊曹山以已方人個裏獨明尊貴諸人要知向上事麼良久云切忌道着頌云天然尊貴事何如動定由來不似他直恁擎拳并豎指殷勤奴婢儘蚩蚩

舉洞山掇退菓東話云首座箭鋒相拄問個八兩還他半觔諸人若作有過無過商量入地如箭頌云五位參尋切要知就中一着占便宜雖然具有冲天志折合還教失却渠

舉婆子燒庵話云寒巖異草坐斷白雲未免輸他一  
着然雖如此於陵子齊之巨擘也婆子放慾未後太  
過頌云老婆猶是動春心小玉傳將語十分雖則無  
緣空覲面惺惺自古惜惺惺

舉丹霞燒木佛話云畏寒而已事有偶然高峰亦祇  
說得一半畢竟院王鬚眉因何墮落聾古者道行人  
得牛邑人災也頌云紛紛盡是少叢林羅漢含愁古  
佛驚弄得主人沒脚走睂毛脫落兩三莖  
舉體露金風話云好一幅白描秋景任意而成雖則  
波浪千迴未免奔流纍纍且看他霞天雁影四面遠

峰宇宙之間函蓋無盡諸仁者着意臨摹倪雲林王  
大癡黃鶴山樵去此未遠頌云木落瀟瀟意自寬金  
風露體亦悠然重陽黃菊家家好自古三玄一句全  
舉乾峰天台徑山話云古人道天台普請南嶽遊山  
又道南天台北五臺莫與他一般話會麼且喜沒交  
涉呸呸青天白日着甚來由頌云劉郎遇阮郎相  
逢但拍手無可持贈君笑折道旁柳

舉趙州佛性有無話云說有說無趙州舌頭不在口  
裏知而故犯有業識在輕薄語言也是兩僧自合招  
得頌云一重山兩重山漠漠雲飛烟水寒客夢幾時

還一重關兩重關萬里孤征行路難落日照霜殘  
舉鴻山仰山得體得用話云一條匾擔兩頭擔雖然  
父子上山也須各自努力還知他兩人性命都在別  
人手裏麼頌云世史龍門舊傳經子政新箕裘千古  
共弓冶一時聞咄誰是其人

舉鴻山原夢話云夢中作活夢裏相逢一夥瞌睡漢  
三十棒各領出去頌云一覺黃梁熟當年丹鼎傳淮  
南知此意雞犬共飛仙

舉洞山放子三十棒話云畢竟過在甚麼處有人道  
我會也來來這棒有着落了頌云決獄務在擊斷爲

政豈必寬平武健者名之乳虎嚴酷者號爲蒼鷹張  
湯趙禹周興來俊臣良久云大慈大悲令我得入  
舉趙州勘二庵王話云一雙孤雁撲地高飛一對鴛  
鴦池邊獨立老趙州老趙州則不無竊恐旁觀者哂  
頌云衆人皆醉誰獨醒衆人皆濁誰獨清黃鍾毀棄  
瓦釜雷鳴讒人高張賢士無名吁嗟嘿嘿兮誰知烏  
之雌雄

舉毫釐有差話云得不得不得你便不得我便得  
我卻得你卻不得不見道毫釐有差天地懸隔頌云  
有屈沒處叫有理沒處伸只許州官兒放火不許小

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

百姓點燈一粒黑豆一隻眼睛

舉東山水上行話云間得高奇荅得平實自古巨靈  
擘地水面山浮撼海嶽鎮河源據龍髯斷鰲足法爾  
如然不爲分外且要知諸佛出身處麼竹影小牕連  
夜雨鶴飛當戶曉來晴逢人切莫錯舉頌云一句圓  
團圓禪東山水上儘般般通身踏著長安道旱地  
能栽朵朵蓮

舉日面月面話云馬大師因病發心持名念佛耑伸  
廻向諸方浩浩地作奇特商量未免受他屈陷頌云  
娑羅娑羅日面月面打破鏡來與汝相見

舉雲門顧鑒嘆話云紅旗閃鑠也只如斯若遇個焦  
尾大虫未免反遭一口頌云滯羸庭藤林荒禪子訝  
中眉垂妃嘑嘻喝囉唆吽吽

舉藏頭白海頭黑話云說禪說教普願獨超當時顛  
倒一上了也畢竟頭白頭黑作何品題我今日牙痛  
不能爲汝說頌云父子一家同作賊不論青黃并皂  
白盡道烏雞帶雪飛早是玉人吞墨汁

舉德山托鉢話云若論末後一句德山父子總不會  
得山頭老漢低頭歸方丈時早替存公走入涅槃堂  
裏去也豈待三年後耶巖頭巖頭一手搦一手擣多

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

拾遺

白居易集卷之三

少伎倆頌云父子之間莫莽鹵兄弟相煎太酷苦同生同死事如何笑倒堂前瞌睡虎

舉萬象之中獨露身話云子方舉拂當時落節在甚麼處若向撥與不撥細細分疎千里萬里頌云如盤走珠如珠走盤佝僂承蜩宜僚弄丸

舉西院四錯話云從漪錯從漪錯千錯萬錯直錯到樓至如來面前依舊還錯了也有者道聳兒思舊債住後語言莫別有長處麼頌云八陣縱橫也太奇雷龍風鳥任施爲只今蜀道經過者凜凜猶如諸葛時舉婆生七子話云夜行船紅娘子要孩兒浪淘沙大

好一場曲調婆子施人落水不是好心頌云雲寂寂今烟蒼蒼風蕭蕭兮水茫茫有美人兮徘徊從公子今徜徉釣船歸去兮滄浪滄浪

舉高峰枕子墮地話云若不是枕子一回墮地未免全弄精魂當時還有證入處麼此則名爲作得主人悟卽不無要且不是末後一着頌云白日依山盡黃河入海流欲窮千里目更上一層樓舉十方薄伽梵一路涅槃門話云乾峰一畫直畫到塵沙世界之外攝受他八萬四千天子天女無量須彌雲門拄杖子呆椿椿地在雞足山前待彌勒出世

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

他兩人還有優劣也無齊桓公正而不諱晉文公諱而不正頌云自古薄伽六不翻莫將一畫等閒看無端禍出韶陽老兩下盆傾那得乾

舉真園頭念法華話云世間老實頭修行人難得我如今要將真園頭供養起來首山這漢顛顛倒倒曾教人家媳婦騎驢阿姑牽着大壞紀綱不免趕出院去頌云滿園桃李鬪春光惹得黃鸝話短長似合似離飛鳥亂桃花不爲李花忙

舉九峰不肯首座話云恁般去恁般來多少奇特有者道一色未消不名尊貴是則固是未免被他九峰

語脉裏轉了也頌云獅兒能哮吼特地把人嫌生死渾閒事翻身項刻間

舉斬貓話云王老師矢在弦上不得不發白刃春風這貓兒好生受用了也頭戴草鞋未免一時顛倒履雖鮮不以加冠其父殺人其子必定行劫頌云猝地干戈起風雲布幾重英雄閒顧盼拍手笑相逢

舉雒浦目前無法話云這赤梢鯉魚生平學得個賓主句臨末稍頭賣弄一上三聖賸驢未免攬行奪市了也彥從彥從得恁般穩密頌云一句分賓主由來用得全誰人知此意彈劍倚青天

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

舉玉泉葡萄棚話云可憐生可憐生要知法身向上  
麼惺惺着頌云葡萄貪結果枝蔓引來長七佛聞名  
號條條破視福

舉鼓山聖箭話云般輸善攻墨翟善守貪天功以爲  
已力發蹤指視者誰耶老凍儂老凍儂也合招得頌  
云魯酒薄邯鄲圍麒麟鬪日月食鯨魚死彗星出雪  
峰雪峰父作子述

舉深明二上座過淮河話云那裏是明兄欠悟處響  
若人辯得許他倣法眼兒孫頌云欠悟果然欠悟暗  
裏昏昏趕路一脚踢着秤錘原來祇是鍊做

舉子韶格物妙喜物格話云閩州頭落將謂是意之  
所在卽爲物耶墮他語言雲霧不少當日吹毛在手  
任意縱橫子韶子韶頭落也未頌云壁壘一變衆軍  
皆驚莫耶橫按正令方行

舉龍牙禪板蒲團話云雪竇遇捺古人誇他盧公別  
有長處非謂西來無意實實地死水不藏龍也當日  
龍牙順水推舟懷心不善打卽任打兩員尊宿被伊  
倒拔虎鬚領云陷虎之機也太奇蒲團禪板假癡愚  
待他兩點輕輕下面皮翻轉占便宜

舉城東老姆話云瞿曇使盡神通不免被他老妮子

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

看破當時老母家無白澤之圖  
舉世尊初生雲門一棒話對衆云且道世尊過在甚麼處衆下語不契師云當時未免靈龜負圖僧云雲門打世尊如何師云也是巡人犯夜

舉女子出定話云這女子來歷不明當時世尊不收留在方丈裏致使文殊費盡神力哄動他因明男子從地底下走來魔魅人家不少老瞿曇老瞿曇三十棒自領出去

禪者舉王太傅入昭慶話求師著語師云王太傅入昭慶煎茶垛生招箭朗上座與明招把毬事有偶然

朗掇翻茶毬一杓惡水太傅問爐下是甚麼也少不得這一問朗云捧爐神見神見鬼傳云既是捧爐神爲甚麼却傾翻茶毬咄咄逼人朗云仕官千日失在一朝爛泥裏有刺傳拂袖便行見機而作明招云朗上座喫了招慶飯外邊去打野樞忍俊不禁朗云和尚又作麼生任伊起倒招云非人得其便耽擱不向外曲賊過後張弓雪竇踢倒茶爐又作麼生將謂有多少奇特卽如雪竇頌云來問若成風應機非善巧堪悲獨眼龍曾未呈牙爪一似不許他古人暗暗不見道當斷不斷反招其亂

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

潤梅舉托鉢詰求着語師云舉來梅云雪峰作飯頭  
 一日飯遲師云事從根脚起梅云德山托鉢下法堂  
 師云雖然打草也要驚蛇梅云鐘未鳴鼓未響老漢  
 托鉢那裏去師云只顧貪前不覺落後梅云德山低  
 頭歸方丈師云陷馬深坑梅云大小德山未會未後  
 句師云扶起破砂盆梅云汝不肯老僧那師云是甚  
 麽心行梅云巖頭密啟說法有別師云龜毛三寸長  
 梅云且喜老漢會得未後句也雖然如此祇得三年  
 師云蒼天蒼天梅云後三年果示寂師云是是

舉離四句絕百非詰云馬祖父子被個沒鼻孔阿師

驀頭一問直得去死十分這個且置藏頭白海頭黑  
 畢竟差別在什麼處牽

舉藥山遣化主甘贊施金詰云我當時若作藥山但  
 將這兩錠金付庫司爲他病夫設齋懺悔且教渠甘  
 贊老漢病却三十年

舉雲巖掃地話云玄沙只見第二月且不見第一月  
 如何是第一月聾癡人癡人莫認影好

舉鴻山喚院主喚第一座勘破顧左右云屈屈  
 且被院主與第一座勘破顧左右云屈屈

舉甘贊入南泉設齋話云黃蘖因齋慶讚事有偶然

勞他甘贊俗漢作佛法商量出出入打個之遶畢竟甘贊施財不是好心勸你諸人切莫貪他一粒米僧舉問對朕者誰話師云當時老胡被他梁皇一拶直得去死十分僧云作家君王天然有在師云莫錯答泗洲大聖爲甚揚州出現語云話不投機半句多代迦葉擅文殊語云和寺主一齊擅却

代道者嬾未生語云合取狗口



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

六

十七